




2

Վ Ա Ր Բ

ՍՐԲՈՅՆ ԳԷՈՐԳԵՅ

ԶՕՐԵՎԵՐԻՆ





Գրքարան
942

Ի ՎԵՆԵՏԻԱ

Ի ՏՊԱՐԱՆԷ ՍՐԲՈՅՆ ՎԱՋԱՐՈՒ

1849





ԱՌ ԱԿՆԱՐԿՈՂՔԻ ՄԱՏԵՆԿԱՆՍ

ՕՄԵԾԻ նահատակին Վամրաց կամեցեալ 'ի լոյս ընծայել զվկայաբանութիւնս , ընդ երկասիրութիւնս քաջաց նախնեաց՝ յաւելաք և զյետնոց ոմանց , ոչ ըստ արժանեաց բանահիւտութեան , այլ առ 'ի բովանդակելոյ 'ի մի տուփ զհամօրէն որ 'ի ձեռս մեր էին 'ի սուրբն Վեորդիոս բանք արձակ կամ չափաւ . սակայն և յայնցանէ զյոյժ հետեւակն կամ զյայտնիս 'ի բաց թողաք :

Արկաբանչիւր ևս վարուցն հրատարակելոց էին առ մեզ կրկին օրինակք գրեալք 'ի սկիզբն կոյս ժԳ դարու այլ և այլ թարգմանութեամբ . որ զի 'ի բազումն զուգաձայն ընթանային , աւելորդ վարկաք առանձին և զերկրորդն տալ 'ի տպագրութիւն , այն զի և թերակատարք գտանէին գաղափարքն , շատ համարեալ զմեծինչ տարաձայնութիւնս նշանակել 'ի ներքոյ : Ասկ զբանչեւեացն պատմութիւն , որոյ մի և եթ կայր առ մեզ օրինակ հին , թէպէտ և թերի , այլ զի մեծի առն էր վաստակ Ա կայասիրին մերոյ Վրիգորի , ոչ խղճեցաք կիսակատար և զայն ընծայեցուցանել . զլրումն պատմութեանն թողլով ինդրոց գտանել 'ի Յայսմաուրս , և 'ի Ա արս սրբոց , ուր լիցին քննութիւնք և զնորալուր սբանչեւեաց ինչ զոր ընթեռնութիւնք 'ի վարս սրբոյս :

ԱՌ

ԱՍՏՈՒԱՏԱԳԱՏԻ

ՆԵՅՐ ՄԵՐ ԵՒ ՏԷՐ

ԳԵՈՐԳԱՆՆԻՐՄԻՐՅԱՆ

ԱՐԳԵՊԻՍԿՈՎՈՍ ՍԻՆԵՍԱՅ

ԵՒ ԸՆԴՀԱՆՐԱՊԱՆ ԱԲԻԱՅ ՄԻԹԱՐԵԱՆ ՈՒԽՏԻՍ

ԵՍՒՈՒՐ

ԵՐԿԵԼԵՇԻԿ ԾՆՆԴՈՅ ԻՒՐՈՅ

Ի ԻԱ ԱՄՍԵԱՆ ՍԱՏՄԻ



Ի ՎԵՆԵՏԻԿ

ի դուռնն սրբոյնն դազարու

Ռ Մ Ղ Ը

THE UNIVERSITY OF CHICAGO
PRESS

THE UNIVERSITY OF CHICAGO PRESS

CHICAGO, ILLINOIS

1963

001 440 01 9, 6 0 2

1963

UNIVERSITY OF CHICAGO PRESS

CHICAGO

ԱՐՆԻ ՏԼՐ ՆԼՅՐԸՊԵՏ

Օ կրկնաւորին քս կենցաղ հոշակապանո՞՞ Պաշտպանի
Օ կեղեանն ի քէն կէտ դիտման քան թէ զանուն ընտանի ,
Ի նախնական հարց երկոց նրախրելով խայրի նոր
Ի դրաւական ընծայեմք քան ի խրախոյս չի յորդոր՝
Թէ հոմանուանդ զուգիս քաջ համաշաւեղ յասարեղ ,
Նսպին սիրով անարիւն դու ճենճերեալ յողջակէլ ,
Ոչ ժանեւորն առելի շքաբերեալ ընդ հօրով՝
Այլ յանհամբոյր ի գեղոց ժամանակիս վըշտոյով .
Սակայն քոյդ Վեղ Գե՛ՌԳե՛ մաղժեմք , եւ կայ օգնական
Կնդերկարել աննրկուն ըզհանդիսիդ սուրբ շքան ,
Օ ի վայելմամբ յերկնաձիր մեր ի յօրհնադ հայրազուժ
Նստատարայիդ Վեւ աճեն եւ Վեղ մեք փառք անկապուտ :


Ո Ր Գ Ի Բ Բ Ո

ԱՆՁՆԱՆՈՒԷՐԻ ԽՈՆԱՐՏԱԲԱՐ



ՎԿԱՅԱԲԱՆՈՒԹԻՒՆ

ՍՐԻՈՅՆ ԳԿՈՐԳԵԼՅ ՕՍՈՐՆԱԼՐԻՆ



Տեառն մերոյ և Փրկչին Յիսուսի Վրիստոսի Թազաւորութեանն ոչ սկիզբն աւուրց է և ոչ վախճանն ժամանակաց ունի . իսկ փառաւորեալ ծննդեանն 'ի մարդանայոյն 'ի Մարիամայ Մտուածածին կուսէն , որ յայտնեալ երևեցաւ ամենայն տիեզերաց 'ի ձեռն սուրբ առաքելոցն Ճշմարիտ քարոզութեանն , որք արժանաւոր գտան վիճակի սրբոցն և Հնորհաց Ճշմարիտ հաւատոյն ' : Իսկ բազումք զՃշմարտութիւն հաւատոյն անհաւատալի համարին , որք մտրութեանն ծառայք են . զոր ըմբռնեալ է մնափառութիւն աշխարհիս այսորիկ , և շարփաղփանս համարին զանտեսութիւն :

1 Բ . Ընորհաց սուրբ հոգւոյն . . . զՃշմարտութիւնն անհաւատ համարէին :

2 Բ . Զանտեսութեան խորհուրդ :

տեսան մերոյ Յիսուսի Վերիտոսի, որ է արդարև Նրէից գայթակղութիւն և հեթանոսաց յիմարութիւն . այլ Ղստուած կամեցաւ ծառայից իւրոց ամենեցուն միաւորիլ 'ի փրկութիւն ճշմարիտ աստուած պաշտութեան :

Որ եղև 'ի ժամանակին յայնմիկ սաստիկ կուսաբաշտութիւն Վիտիղիտիանոսի Հռովմայեցւոց աշխարհին', ժանդ ոմն և գազանաբարոյ լեալ ընդդէմ քրիստոսական հաւատոյն, և յաղթեալ յոյժ 'ի մոլորութենէ սնտոի կոռցն խաբէութեան, ունելլ սիրելի զոմն միախորհուրդ յանաստուածութեանն, որոյ անուն է Սանդնէնտիոս, երկրորդ թագաւորութեան նորա . և մոլեգնէր 'ի վերայ քրիստոնէից զայրազնեալ կոռցն ամբարշտութեամբ : Այս սոցա խորհուրդ ժաբհութեան արարեալ ընդ միմեանս, բառնալ ամենեկին զքրիստոնէից պաշտօնն . և բռնադատէին զամենեսեան պաշտել զկոռցն պատկերս . Վանդի էր 'ի ծննդէնէ իւրմէ սոպականեալ 'ի կոռցն մոլորութիւնս, և մանաւանդ 'ի պատկերն Ղլողոմնի . և նստեալ 'ի միասին խորհել ընդ միմեանս գրել հրովարտակ յերեսաց թագաւորին այսպէս .

“Վիտիղիտիանոս թագաւոր՝ ընդ ամենայն իշխանութիւնս և աշխարհս մեր, իշխանաց և զօրավարաց և ամենայն որ ընդ ձեռամբ մերով իցէք, ընդ ամենայն աշխարհս Հռովմայեցւոց, դատաւորաց և ամենայն պետաց իշխանութեանց ինդալ :

1 Բ . Ի ժամանակին յայնմիկ 'ի թագաւորութեան Վիտիղիտիանոսի Հռովմայեցւոց աշխարհին, որ 'ի հեթանոսական կուսաբաշտութեան մոլեալ էր առաւել քան զառաւել, ժանդ և գազանաբարոյ լեալ, և այլն :

2 Բ . Վիտիղիտիանոս միշտ պատուեալ յախտեանական և մեծ թագաւոր, ընդ ամենայն աշխարհս Հռովմայեցւոց զօրավարաց, դատաւորաց, պետաց :

Ս անն զի համբաւ ընթացաւ յաստուածեղէն լսելիս մեր, և անչափ խոսվեցուցին զմեզ, զի հերձուածք ամբարշտութեան քրիստոնէից զօրանայ, զի զօր ծնաւ Սարիամկին ոմն հրեայ՝ զնա անուանեն ՝ իսուա, իբրև աստուծոց երկիր պագանէն : Իսկ զՍպողոն զմեծն աստուած, և զԱրմին, և զՎիոնեստոս, և զԱրակէս, և զՎիայ, յորոց ձեռն աշխարհի մերոց խաղաղութիւն պարգևի, թնամանեն և հայհոյեն : Իսկ զանուանեալն Վրիստոս, իբրև զաստուած պատուեն, զօր հրեայքն որպէս զմահապարտ և զմոզ՝ խաչեցին : Ս անն այսորիկ հրամայեմք . զամենայն քրիստոնէայս՝ ուր և գտցին՝ զարս և զկանայս ըստ ամենայն քաղաքաց և գաւառաց ՚ի խոշտանգանս դառն՝ արկանել, զի զօհեսցեն աստուածոցն մերոց, և ուրացին զմոլորութիւնն զայն : Իսկ որ հաւանին, արժանի առնել թողութեան . սպա եթէ ոչ՝ զժնդակ մահու սրոց և հրոց մասնել զնոսա, զի զիտասցեն եթէ անիօփոխելի են հրամանք մեր, և եթէ որ մերոց աստուածեղէն հրամանացս հեղգասցի՝ զվճիռ նոցին ընկալցի . :

Իս իբրև այսպիսի գիր և հրաման եղան ընդ ամենայն տեղիս, մեծ հալածումն յարուցին ՚ի վերայ հօտին Վրիստոսի, որպէս զի բազումք ՚ի նշանաւոր մարդկանէ ՚ի սաստիկ տանջանայն թուլացեալք, և առաւել ևս մոլեգնեալ՝ Վիոկղետիանոսի, կոչեալ առ ինքն զամենայն արքունի հրապարակն հանդերձ զօրօքն՝ դարձեալ խորհուրդ արարեալ, զի զամենայն ազգս քրիստոնէից սատակեսցէ . և որք առաջի կային թագաւորին՝ հանդերձ երկիւղիւ, իրաւունք՝ գործել խորհէին : Իսկ Վիոկղիտիանոս հրապարակախօս եղեալ ասէր . « Ինձ այսպէս թուի, սիրելիք իմ, եթէ չիք այլ ինչ սաւտուական, որպէս թէ զառ աստուածան մեր զպաշտօնն

1 թ. Գառինս :

2 թ. Իրաւամբք :

կատարել. վասն զի 'ի ձեռն նոցա մեզ թագաւորու
թիւն, և ամենայն մարդկան փրկութիւն պարգևի.
վասն որոյ յիրաւի համարիմ այսուհետեւ աստուածոցն
մերոց հանապազորդ զզոհն մատուցանել: Եւ եթէ
գտցին քրիստոնեայք թնամանողք աստուածոցն մե-
րոց, ամենայն հնարիւք 'ի տանջանս արկանել. մինչև
նոցա դժնդակ կրօնքն լուծցին, և յիշատակ նոցա 'ի
ձեռն մահու կորիցէ. Եւ առ այն միաբան պատա-
խանի ետուն թագաւորին, և ասեն. « Եթ յօժարու
թեամք ընդունիմք զմեծ թագաւորութեան ձերոյ զաւ-
տուածանման հրամանսդ և զինամանդ, և կամիմք պա-
տուել զանմահ աստուածան մեր, որպէս և զձեր զօրու-
թիւնդ. արդ այսուհետեւ եթէ գտցի ոք, որ լոկ 'ի
միտս իւր անուանեսցէ զՔրիստոս, ամենեւին 'ի մահ
մատնեսցին. Եւրդ զայս ամպարչտութեան և զանի-
րաւութեան խորհուրդս խորհեցաւ բռնաւորն 'ի հրա-
պարակին: Հրաման թագաւորին առաջի եղելոյ՝ ոք
գտանէին քրիստոնեայք՝ բազում թնամիք գուշակէին
թագաւորին, զի տանջեսցեն խոշտանգանօք:

Յայնժամ ծագեաց որպէս 'ի խաւարային գիշերի
աստղ լուսաւոր և մեծապայծառ՝ որ Քրիստոսի պա-
տուական մարգարիան էր Վեորդիոս անուն Քրիստոսի
զօրական, փարատել զմէգ և զկոտորուղ բազմա-
տուածութեանն, և զմոլորութիւն կոոցն մնոտեաց,
երկնային խորհրդովն կատարեալ, և փրկական քարո-
զութեամբն, զամենայն արժանաւորս 'ի ձեռն ձգնու-
թեան իւրոյ: Վանգի արհամարհեաց զսպառնալիսն
'Վիոկղիտիանոսի պրծոյ, և զմոլորութիւն իշխանացն
և զօրաւարացն. և ոչ զառաջի եղելոցն զտանջանացն
ամենեւին ինչ փոյթ արարեալ. այլ հայեցեալ յամենե-
սեան՝ որք ահաւորքն կարծէին, աստուածասէր սրտիւ
ասէր յինքեան. « Վեորդեա՛ ընդէր կաս դատարկս.
ահա տէր կարդայ 'ի հարսանիս նորա մտանել, առա-
գաստն բացեալ է, ընթրիքն պատրաստեալ են, ընդէր

յամես . մուտ յառաջ քան զփակել դրանն , քանզի մերձ առ մեզ է Վրիստոս . որ վասն մեր խաչի համբերեաց , աղաղակէ և ասէ . Ս'ի երկնչիք յայնցանէ՝ որ սպանանեն զմարմինն , և զողին ոչ կարեն սպանանել : Յիշեա Վեորդիոս զաւետարանական վարդապետութիւնն և զտէրունական զանսուտ աւետիսն՝ զոր ասաց . Լքէ որ խոստովանեսցի յիս առաջի մարդկան՝ խոստովանեցայց և ես զնա առաջի հօր իմոյ՝ որ յերկինս է : Ս'ի հայիր՝ Վեորդիոս զառժամանակեաց զանցաւոր աշխարհս , որ է ստուեր երկնային կենաց . և մի զընդունայն փառս աշխարհիս առ երկնային յուսոյն . զի ամենայն փառք մարդոյ իբրև զծաղիկ խոտոյ էն . սակաւիկ մի համբերեա , և ընդ հրեշտակն յաւիտեանական կեանսն դասիս : Օ այս առ ինքեան խօսեցաւ . փոքր 'ի շատէ սուեալ զձայն նորա , և այսպիսի բարի խրատու հաստատել զխորհուրդն , ոչ միայն շերկեալ 'ի բռնաւորացն սպանուլեաց , այլ և զձնմարտութեան բանս գործուլք քարոզէր , և զառաջիկայ տանջանարանացն բազմութեամբ ծաղր արարեալ , մեծապէս վարդապետութիւն հանդերձ ճշնութեամբ՝ սուրբ եկեղեցեաց Մատուծոյ թողոյր յիշատակս գեղեցիկս :

Լք էր սուրբ վկայն Վրիստոսի յազգէն Վամրաց՝ 'ի տոհմէ ազատ և մեծատուն յոյժ , և աստուածեղէն իմաստութեամբ զարդարեալ , և բազում անգամ զտէրունական իշխանութիւնն՝ վարեալ երևելի պատուով , 'ի զնդէ որում անուն էր Մնիկորոն : Լք այնուհետև վասն բազում քաջութեան իւրոյ զկոմսութեանն պատիւ տուեալ նմա 'ի թագաւորաց : Իբրև տեսեալ նորա զանչափ մոլորութիւնն՝ որ ընդդէմ Վրիստոսի գործէին , յայնցանէ՝ որ կոոցն պաշտօնեայքն էին ,

1 Բ . Ս'ի համարեր :

2 Բ . ԶՏրիբունական իշխանութիւն պատուեալ :

3 Բ . Մնիկորոն :

վարվաղակի զինչս և զստացուածս իւր բաշխեաց և ետ աղքատաց և տնանկաց, և որպէս ճգնաւոր մերկացաւ զամենայն : Յօժարութեամբ 'ի մէջ թագաւորական ատենին և արքունի հրապարակին, և ամենայն զօրավարաց՝ որք նստէին յատենին, և այլ իշխանաց՝ որք կային առաջի թագաւորին, աղաղակեաց մեծաձայն և ասէ . «Վս քրիստոնեայ եմ, թագաւոր . վասն որոյ խօսեցաւ՝ ճմարիտ և երկնաւորն Մտուած և թագաւորն մեր Յիսուս Վրիստոս . և կամ 'ի միջի ձերում՝ զարմացեալ ընդ այդչափ մնորութիւնդ ձեր՝ որ վասն կռոցն ունիք . և ոչ ճանաչէք զմիայն կենդանին աստուած, և զարարինն ամենայն արարածոց, որ և զթագաւորութիւնդ իսկ ետ ձեզ : Մըդ ո՛վ թագաւոր, և ամենայն աթոռակիցդ, մի մնորիք 'ի պատրանաց դիւաց . քանզի աստուածք՝ որ զերկինս և զերկիր ոչ արարին՝ կորիցեն :

Իսկ քրիստոնեայք միայն Մտուծոյ հօր երկիր պագանեն, և միայնոյ տեառն Յիսուսի Վրիստոսի Որդոյն Մտուծոյ, որով ամենայն եղև, և մի հոգի սուրբ Մտուծոյ, Երրորդութիւն կատարեալ 'ի միում՝ աստուածութեան և թագաւորութեան, որով աստ կեամք բարեպաշտութեամք, և յետ վաղճանելոյն ակն ունիմք կենացն յաւիտենից :

Իայց ձեր պաշտամունքդ ստուգութեամբ արժանի են այսպանելոյ, քանզի բարբանջմունք դիւաց են, և չիք ինչ 'ի դա ճմարտութիւն, զի գործք սատանայի են, որք ընկղմեն զերկրպագուս իւրեանց 'ի սատակումն և 'ի կորուստ . :

Հայնժամ հայեցաւ 'ի նա Սանկնէնտիոնն՝ որ էր երկրորդ թագաւորին և սիրելի . և ասէ ցտորբն . Օրինչ անուն է քո, և կամ ո՞ ես դու, որ այսչափ յան

1 Բ. Ես քրիստոնեայ եմ, թագաւոր, և իրախուսեցի 'ի ճմարիտ և յերկնաւոր և այլն :

դրզնութիւն ունիս : Սուրբն Վեորդիոս պատասխանի
ետ և ասէ . Վասն և առաջին անուն իմ քրիստոնեայ է .
բայց 'ի մարդկանէ Վեորդիոս կոչիմ : Հայեցեալ 'ի նա
թագաւորին Վիոկղիտիանոսի՝ անդրնդային վիշապն ,
ասէ ցնա . Վեորդիոս , ուսեալ է մեր վասն քո՝ եթէ
յինաստուածեան և 'ի քաջութեան ընտիր ես հանապազ,
և պատուի արժանի լեալ ես յարքունական խնամոց
մերոց : Ս ան որոյ մատուցեալ զոհեա աստուածոց , զի
մի շարաշար կորիցես , այլ մանաւանդ վայելեացես 'ի սէր
մեր պատուով , և առաւել ևս մեծութեամբ 'ի ձեռն
մերոյ ինամածութեան՝ , և առ մեզ համարձակութիւն
ունելով . այլ այդ ընդունայն համարձակութիւնդ քո չէ
ինչ քեզ յօգուտ :

Սուրբն Վեորդիոս ասէ . “ Արանի թագաւոր , թէ
լտէիր դու ինձ , և ճանաչէիր զմիայն ճմարխտն Մը-
տուած , զի և երկնից արքայութեանն արժանաւոր լի-
նէիր . բայց արդ իշխանութիւնդ քո առժամանակեայ
է , և խոստմունքդ քո և ողորանքդ անզօրք են շարժել
զիս 'ի բարեպաշտութենէն Մտուածոյ իմոյ . պատիւ քո
քեզ լիցի , և խոստմունքդ քո՝ որ քեզ հաւանին . բայց
ես զՎրիստոս ունիմ զերկնաւոր թագաւորն՝ որ տայ
ինձ զփառս և զյաղթութիւն հակառակորդին և պաշ-
տօնէից նորա . : Աւ սրտմտեալ թագաւորն հրամայեաց
կախել զնա զփայտէ , և գեղարդեամբ հարկանել զնա՝ ,
և ընկենուլ զնա 'ի գետնի : Աւ իբրև զայն արարին ,
ցայտեաց արիւն զմարմնով նորա , բայց գեղարդն իբրև
զանագ ծալեցաւ յետս : Հայնժամ ասէ սուրբն Վեորդ-
իոս . Վահանամ գբէն Վրիստոս , զի զսուր պաշ-
տօնէից սատանայի յետս դարձուցեր մինչև 'ի սպառ ,
և զսրտմտութիւն բռնաւորիս որ 'ի վերայ իմ՝ քա-
կեցեր :

1 Բ . Մերոց խնամոց աստուածութեան :

2 Բ . Զքրովայն նորա :

Եւ լցեալ բարկութեամբ Վիտղիտիանոս , հրամայեաց իջուցանել ՚ի փայտէն և տանել ՚ի բանդ , զոսո նորա չարաչար սնդեւ ՚ի կոճիղ , և զնել քար մի մեծ ՚ի վերայ կրծոց նորա , որպէս զի չորից արանց աշխատութեամբ բառնալ զքարն . և իբրև եղին զքարն ՚ի վերայ կրծից նորա , ՚ի ձայն մեծ աղաղակեաց սուրբն Վեորդիոս , և ասէ . Վոհանամ զքէն Մտուած բարձրեալ , զի արժանաւորեցայ բեռինս ծանունս ունել ՚ի վերայ սրտի իմոյ , որ հաստատէ ՚ի քեզ զանփոփոխելի խոստովանութիւնս :

Եւ ՚ի վաղիւ անդր արկանէ սատանայ ՚ի սիրտ Վիտղիտիանոսի և որ ընդ նմա աթոռակիցքն , և հրամայեցին առնել անիւ մեծ բովանդակ ամենայն հնարիւք կազմել . և արարին զնիւթն ՚իբրև զհիւանական մամուլս յամենայն կողմանց սրով կազմեալ , և հրամայեաց անօրէն բռնաւորն ածել յանիւն . և իբրև ածին զնա քարշէլով ՚ի տեղին , հայեցեալ նորա ՚ի գծնդակ մեքենայն յայն , այնպէս կազմեալ յարուեստից սատանայի , հայեցեալ յայն՝ ասէ . Տէր Յիսուս Քրիստոս , գոհանամ զքէն որ կոչեցեր զիս ՚ի վիճակս յայս . արդ դու որ ՚ի մէջ երկուց աւազակացն խաչեցար և զմահ ճաշակեցեր , զի փրկեսցես ՚ի մահուանէ զմարդն , սուր ինձ անվեհեր զխոստովանութիւն ՚ի ժամուս յայսմիկ , և պահեա զոգիս իմ ՚ի հնարից բանսարկութիւն : Եւ զայս ասացեալ ընկեցաւ յանիւն , և չարաչար ըմբռնեալ կոտորեցաւ մարմին նորա :

Եւ տեսեալ թագաւորն հանդերձ Սանգնէնտիոսին , համբարձ զձայն իւր և ասէր . Վիտացէք ամենեքեանս զի ոչ գոյ այլ աստուած բայց Մարդոն , և Պողոզոն , և Լիբակէս , և Վիայ , և մեծն Մարտեմիս² . արդ ո՞ր է

1 Բ . Չանիւն :

2 Բ . Ապողոն և Երմէս և Արամաոզ և Եփեսոսոս և Պիսիդոն և Երակէս և Դիս մեծն Մարտեմիս :

աստուածն Վեորգեայ, ընդէր ոչ եկն և փրկեաց զնա 'ի ձեռաց իմոց : Եւ հրամայեաց այնպէս թողուլ զնա 'ի տանջանարանն անուին, և ինքն չողաւ զի ճաշակեսցէ : Իսկ 'ի տաններորդ ժամու եղև հնչիւն մեծ և ձայն յերկնից՝ որ ասէր . Վաջալերեաց Վեորգիոս, և լեր աներկիւղ . քանզի բազումք հաւատալոց են քե յիս : Իսկ որք պահէին զնա դահիճքն՝ երկիւղիւ զարհուրեալ 'ի ձայնէ հնչմանն՝ փախեան : Եւ հրեշտակ տեսառն իջեալ 'ի բաց ելոյծ զնա՝ ի տանջանարանէն յայն, և որջանդամ հաստատեաց զմարմին նորա : Ողջունեաց զնա և ասէ . Ուրախ լեր Վեորգիոս, և հաւատա 'ի զօրացուցիչն քո, և զընթացս քո կատարեա . քանզի աւասիկ մեք անսամք տալ քեզ զպսակն զկատարեալ խոստովանութեանն : Եւ յարեաւ սուրբն Վեորգիոս ուրախութեամբ և գոհանալով զտեսառնէ, և շրջէր սաղմոսելով . Բարձր առնեմ զքեզ աստուած իմ և թագաւոր իմ, և օրհնեմ զանուն քո յաւիտեան . և Ուղիւ արա զգնացս իմ տէր, և մի տիրեսցեն ինձ ամենայն անօրէնութիւնք :

Եւ եկեալ 'ի տեղի ինչ ուր կայր պատկերն Արորոնի, և եգիտ անդ զթագաւորն և զԱ՛նգնէնտիոնն, և զամենայն բարեկամն թագաւորին, զօհս և երկրպագութիւնս մատուցանելով կոռցն : Եւ մերձ եղեալ Վեորգիոս աղաղակեաց ասելով . Նամսիր զիս թագաւոր և առ յինէն զաւետարանեալն Աստուած՝, որ փրկեաց զիս 'ի ձեռաց քոց, և 'ի մահաբեր տանջանարանացն, զոր պատրաստեցեր ինձ՝ ի կորուստ, կարծելով կորուսանել . քանզի մոլորեալ ես կոռցդ զօհ մատուցանելով :

Իսկ թագաւորն հայեցեալ 'ի նա ասէ . Ո՞վ ես դու, Եւ ասէ սուրբն . Ես եմ Վեորգիոս, որ հրամանաւ քո պրկեցայ յանին . զոր և թողեր զիս յանին՝ կարծելով

մեռեալ . և այժմ եկի ցուցանել քեզ թէ կարող է
 Մատուածն իմ փրկել զիս 'ի մահուանէ , զոր դու կար
 ծեցեր իբրև թշնամանել : Յայնժամ թագաւորն հրա
 մայեաց ունել զնա և մերձ կացուցանել : Հայեցեալ 'ի
 նա՝ ասէ . « Թաւրի եթէ ստուեր բռնամահին է , և խաբէ
 զմեզ : Իսկ Ս՝անկնէնտիոնն . Վինն նորա է : Սուրբն
 Վեորդիոս ասէ . Եւ եմ Վեորդիոս ծառայն Վրիս
 տոսի . մի մոլորիք 'ի կուսզ . այլ գիտաջիք եթէ է կա
 ռող է Վրիստոս և 'ի մեռելոց յարուցանել որք յուսան
 'ի նա , և 'ի ձեռաց ձերոց փրկել :

Եւ տեսին զնա և լուան 'ի նմանէ զայս Մատուիս և
 Պրոտողիոն ' , ստրատելաոք՝ որ կոչին զօրավարք ,
 հաւատացին Մատուած ամենայն ընտանեօք իւրեանց ,
 աղաղակէին և ասէին . Սեծ է Մատուած քրիստոնէից ,
 և նա միայն է Մատուած , և չիք այլ ոք որ զոյ
 Մատուած . բայց նա միայն է Մատուած օրհնեալ յաւի
 տեան : Եւ իբրև լուա զայս թագաւորն՝ հրամայեաց
 զամենեսեան զնոսա արտաքոյ քաղաքին տանել յանա
 պատ տեղիս և կոտորել զնոսա : Եւ իբրև երթային
 նոքա 'ի տեղի կատարմանն , միաբան աղաղակէին ասե
 լով . Տէր Յիսուս Վրիստոս , ընկալ զոգիս մեր խաղա
 զութեամբ , և կարգեա 'ի քո անփոփոխելի յանանց
 արքայութիւնդ , համարելով մեզ զփոքր մի խոստո
 վանութեանս մերոյ զառ 'ի քեզ հաւատոս յարգարու
 թիւն և 'ի թողութիւն մեղաց մերոց : Եւ այնպէս
 կատարեցաւ վկայութիւն նոցա 'ի Վրիստոս Յիսուս :

Յայնժամ լուեալ և թագուհոյն Մղէքսանդրեայ
 վասն սրբոյն Վեորդեայ՝ հաւատաց ինքն 'ի տէր , և
 եկեալ առ թագաւորն համարձակութեամբ աղաղա
 կեաց և ասէ . Եւ քրիստոնէայ եմ , սրբոյն Մատուծոյ
 Վեորդեայ աղախին : Եւ զայս ասելով թագուհոյն ,
 պատասխանի ետ նմա Ս՝անկնէնտիոնն և ասէ . Մա մեզ

Թագուհի Մղէքսանդրիէ , ընդէր զՎրբիստոս գովեցեր
և զաստուածոնն արհամարհեցեր : Իսկ նա ասէ . Սե-
ծագունին փափաքեալ զպահասն արհամարհեցի : Եւ
զայս ասելով զնայ՝ ունելով զՄստուծոյ երկիւղն ՚ի մտի ,
և զհաւատոնն անշարժ : Իսկ Թագաւորն սրտմտեալ՝
հրամայեաց արկանել զսուրբն Վեորգիոս ՚ի գուբ կրոյ .
զոր ՚ի նոյն ժամ իջուցեալ և Թաղեալ ՚ի կրի անդ զերիս
տիւս և զերիս գիշերս . հրամանն տուեալ և պահապա-
նայն զի պահեսցեն , զի մի ոք ՚ի խորհրդեան լինիցի
հանել զնա անտի : Եւ յետ երից աւուրց ասէ Թագա-
ւորն . Երթիցեն զօրականք և հանցեն զոսկերս բըռ-
նամահին , և զգուշութեամբ պահեսցեն , որպէս զի մի
ոք գիտացէ զնմանէ : Իբրև զնայցին զօրականք ՚ի գուբ
կրոյն , եկին և այլք բազումք ՚ի տեսանել , և իբրև ՚ի
բաց առին զկիրն , գտաւ սուրբ վկայն ոչ ինչ ունելով
ամենեկն արատ ՚ի մարմնի իւրում . քանզի հրեշտակ
տեսաւն էր ընդ նմա , լինելով նմա օգնական ՚ի հրամանն
Վրբիստոսի : Իբրև տեսին զնա ամենեքեանս աղաղա-
կէին ասելով . Սեծ է Մստուածն քրիստոնէից : Եւ
լուեալ զայս Թագուհոյն Մղէքսանդրիայ՝ եկեալ և նա ՚ի
տեղին աղաղակելով . Սեծ է Մստուած որ ՚ի քրիստո-
սեայս , և ոչ գոյ այլ բայց ՚ի նմանէ : Հաւատացին և
զօրականքն՝ որք առաքեցան ՚ի Թագաւորէն հանել զնա
՚ի գբոյ կրոյն :

Եւ իբրև լուաւ զայս Թագաւորն , հրամայեաց
զօրայն երթալ և ունել զսուրբն և ածել առաջի իւր :
Իբրև ածին զսուրբն , նստեալ Թագաւորն յատենի
հանդերձ մեծամեծօք իւրովք , և ասէ ցնա . Մսա
մեզ ո՞ կենդանացոյց զբեզ : Մէ ցնա սուրբ վկայն .
Եթէ լէք դարձեալ ոչ հաւատայք . բայց գիտա Թա-
գաւոր զի Յիսուս Վրբիստոս որդին Մստուծոյ պահէ
զիս յամենայն տանջանաց քոց , և զամենեսեան՝ որ
կարդան առ նա՝ փրկէ յորոգայթից սատանայի : Յայն
ժամ Թագաւորն հրամայեաց առնել կօշիկս երկաթիս ,

որ ունէր բւեռս սուրս , ուղորդս , և շողացուցանել և առնուլ ունեղէօք և ագուցանել սրբոյն և ընթացուցանել զնա : Իսկ սուրբ վկայն ոչ կարելով զնալ յընթացան , ասէ յինքեան . Ինթացիր Վերոգիայ 'ի Թողեալ քեզ վիճակն . և հանդերձ արտասուօք աղօթէր . Տէր Բստուած իմ փրկիչ նեղելոց , ասպաւն հալածելոց , համբերութիւն որք վասն անուանդ քո են չարարեալ . մի Թողուր զիս , այլ շնորհեա ինձ համբերութիւն մինչև 'ի սպառ : Եւ 'ի կատարել նմա զաղօթան , եկն առ նա ձայն յերկնից որ ասէ . Վաջայերեա Վերոգիոս , զի ես ընդ քեզ եմ 'ի փրկել զքեզ . և նոյն ժամայն բժշկեցաւ մարմին նորա : Եւ հրամայեաց Թագաւորն տանել 'ի բանդն , և վաղիւն ասէ ցնա Թագաւորն . Ս'ինչև ցե՛րք սրտապնդեալ կախարդութեամբ՝ տանջանացդ ժուժկալես , և մանաւանդ իսկ մոգութեամբ 'ի դիւաց օգնականութենէ . հաւանեաց ինձ այսուհետև զոհեա աստուածոցն :

Իսկ սուրբն ասէ ցԹագաւորն , և որք ընդ նմայն էին . Եւ ընդունելով զօգնականութիւնն Բստուծոյ իմոյ , զամենայն տանջանս ձեր ընդունելով , կացի առաջի ձեր ողջացեալ վկայելով զօրութեան միայն Բստուծոյ . և պատրաստ եմ դարձեալ առ ամենայն տանջանս ձեր , վասն առ 'ի Վրիստոս հաւատոյն : Իսկ դուք որպիսի յոյս ունիք , որք անշնչոցն պիղծ կուցն , որք ոչ ինչ են , յընդունայն պաշտէք , և կորստեանն նոցա հաղորդք լեալք . ամնչեցէք այսուհետև աստուածս անուանել զդոսս , որք գիշութեամբք և արբեցութեամբ և պա տերազմօք և սպանութեամբ , առ սակաւ մի կացեալ են յաշխարհիս յայսմիկ , և յաւիտեան տանջին յանչէջ հուրն , որ կայ մնայ ամենեցուն որք պաշտեն զնոսս :


Եւ լուեալ զայս Թագաւորին և ամենայն արբունականքն , հրաման ետուն արջառաջլօք յանխնայ զմարմին նորա հարկանել : Եւ իբրև հարին զնա 'ի բազում ժամն , ասէ ցնա Թագաւորն . Ս'ինչև յե՛րք

Թշուառական , ոչ հաւանիս և զոհէս մեծ աստուածոյն , զի պատուի մեծի արժանի եղիցիս և կեցցես : Իսկ սուրբն ասէ . Եւ կենդանւոյն Մատուծոյ հանապազօր պատարագ օրհնութեան մատուցանեմ , որ փրկէ զիս 'ի ձեռաց ձերոց , և արժանի արասցէ փառաց և պատուի երկնաւորի : Երանի եթէ զուք ինձ հաւատայիք , և միայնոյ ճշմարտին Մատուծոյ երկիր պազանէիք :

Յայնժամ հրաման ետ Թագաւորն արկանել զնա 'ի բանդ , և ինքն զնաց յարքունիսն : Եւ իբրև էր սուրբն 'ի բանդին՝ ամենայն հաւատացեալքն դային առ նա 'ի գիշերի , տալով ինչս բանդապետին մտանէին և ուսանէին 'ի նմանէ զառ 'ի Քրիստոս հաւատսն , և որք հիւանդութիւնս ունէին 'ի պէսպէս ցաւս ըմբռնեալք , և կոյրս բերէին առ նա , և նա աղօթիւք բժշկէր զնոսս : Վղիւկերի ումեմն աշխարհականի տեսեալ զբժշկութիւնս զոր առնէր , եին անկաւ առաջի նորա , աղա զակեաց և ասէ . հաւատամ յՄատուածն քո , զի նա է Մատուածն , և այլ չիք որ բայց 'ի նմանէ : Եւ նոյն ժամայն կալեալ զնա դահճայն և զօրականացն ածին առ Թագաւորն , վասն իրացն որ եղև : Իսկ Թագաւորն խոռվեալ և զանուոնն անգամ ոչ կամեցաւ հարցանել , այլ հրամայեաց զնա անգամ անգամ կոտորել : Իսկ նա կատարելով 'ի խոստովանութիւնն Քրիստոսի , աղա զակեաց ասելով . Մատուած ճշմարիտ որ արարեր զամենայն , մի զիս անտես առնէր՝ զանօթ անպիտան , վասն զի հաւատացի քեզ հօր և Արդոյ և հօգւոյդ սրբոյ , և երկնչիմ զի առանց սուրբ մկրտութեան եմ . կամեցայ մկրտել , այլ ոչ ժամանեցի , կամելով քո տէր փրկեցայց . վասն որոյ աղաչեմ զքեզ տէր Յիսուս , զարիւն կատարման իմոյ համարեա ինձ 'ի մկրտութիւն , զի Մատուած սրտագէտ ես , և քննիչ խորհրդոյ և յօժարութեան մտաց : Եւ եին նմա ձայն յերկնից

Երկրի
292

1 Յօր . պահասի տեղ :




ասելով . Իսկ Վիլհելմերի ուրախութեամբ առ իս , քանզի
կատարեալ էս յիս . և այսպէս կատարեցաւ սուրբն :

Եւ չորսն դարձեալ ասացին Վիլհելմի տիանտի , թէ
բազումք երթալով 'ի բանդն ուսանին 'ի Վեորդեայ , և
զամենեսեան առ ինքն ձգէ բժշկելով զբազմութիւն
յոյժ հիւանդաց . յայնժամ հրամայեաց ածել առ իւր
զսուրբն Վեորդիոս : Իսկ Սանկնէնտինոսն ասէ ցթա-
զաւորն . Ըզգ քրիստոնէից դժուարամահ են և վիճող ,
այլ մանաւանդ աղաչեա ողորանօք զայրդ , զի թերևս
խորհրդամբ քո զո՛հէ աստուածոցն , բերկրացուցես
զնա պատուովք : Իսկ սուրբն Վեորդիոս զալով յար-
քունիսն սաղմուտելով ասէր . Բստուած յօգնել ինձ
նայեաց , և տէր յընկերել ինձ փութայ :

Յայնժամ սկսաւ աղաչել զնա թագաւորն և ասել .
Տերամբ արեգակամբ և ամենայն աստուածովք . եթէ
լսես ինձ Վեորդիոս և մատուցեալ զո՛հես աստուածոցն
մերոց , չնորհեմ՝ բեզ ինչա բազումն , և երկրորդ ինձ
կոչեսձիր 'ի թագաւորութեանս իմում , քանզի խը-
նայեմ 'ի բեզ և զթամ 'ի բեզ , կամելով զկեանս քո ,
մանաւանդ քան եթէ մեռանել չարաչար՝ ոչ հաւանե-
լովդ ինձ : Իսկ սուրբ վկայն ասէ . Բարիօք ասացեր
այժմ , ընդէր ոչ ասացեր ինձ . յառաջագոյն այդպիսի
բանս . այսչափ չարչարանաց արդ ո՛ր ինդրեցից զթը-
նամանս իմ . ասէ թագաւորն . Շնորհեա ինձ հօր քո
զ յանցանս զայս , և զո՛հեա աստուածոցն , և ընդ ինև
պատուեսցին յարքունիս : Իսկ սուրբն Վեորդիոս ասէ .
Որովհետև վտան իմ զղձացար թագաւոր , արդ էս հա-
ճեցից զմիտս քո . ո՛ր են աստուածքն քո , երթիցուք
առ նոսա : Եւ ուրախ եղև թագաւորն յոյժ , և հրա-
մայեաց ամենայն պետացն և զօրացն՝ հանդերձ ամե-
նայն հրօսարարական զալ 'ի տաճար կոցն , և քարոզ
կարդացեալ այսպէս . Ըհա խորհրդակից Վալիլեացոց
Վեորդիոս մեծին Բարդուխի հաւանեցաւ զո՛հել : Իսկ
հեթանոսքն ամենեքեան ճախր առեալ աղաղակելով .

Երկրորդ



Լ'պողոն յաղթեաց թագաւոր, Վիտիզիտիանոս յաւել տեանս թագաւորեա. մեծ են աստուածք թագաւորի:

Ստեալ նոցա 'ի տաճար կոոցն և 'ի ըուծիւն լինելոյ ամենեցուն առ հասարակ: Եկաց սուրբն Վեորգիոս, և հայեցեալ 'ի պատկերն Լ'պողոնի, ասէ. Վսե ես աստուած և զբեզ սարտ է պաշտել մարդկան. իսկ որ կայր ոգին պիղծ 'ի պատկերն, գոչեաց ասելով. Ոչ եմ ես աստուած և ոչ որ ընդ իսս է, այլ մի է Լ'ստուած ճշմարիտ որ արար զամենայն, և որդի նորա Յիսուս Վրիստոս և սուրբ հոգին. իսկ մեք հրեշտակք նորա, ապստամբք եղեալ 'ի նմանէն՝ դեք անուանիմք: Ես է սուրբն Վեորգիոս. Եւ իբրև ոչ էք աստուածք ընդէր մոլորեցուցանէք զմարդիկ, զիմրդ և այժմ համարձակիք կալ այսր, իմ ծառայի Լ'ստուծոյ գալ աստ, յորոյ վերայ անուանեալ է անունս Վրիստոսի ճշմարտի որդւոյ Լ'ստուծոյ: Եւ նոյնժամայն եղև խռովութիւն մեծ և գոչիւն դիւացն ողբալոյ, և ամենայն կուռք տաճարին անկեալ փշրեցան, զնշանս Վրիստոսի առնելով նորա ձեռամբ իւրով հանդերձ բանիւ. և տեսեալ բրմացն հեթանոսաց զեղեալն, ընթացեալ 'ի վերայ՝ սրբոյն Վեորգեայ և կայեալ զնա աղաղակէին ասելով. Լ'արձ զկախարդս զայս, զի մոլեգնութեամբ զամենեսեանս մոլորեցոյց և զաստուածնս կործանեաց:

Եւ սրտմտեալ թագաւորն դիւացն օգնականութեամբ և բրմացն առաջնորդելով, ասէ ցուրբն. Չաբազուիս և ամենայն կախարդութեամբք և մոլորութեամբ լի, ոչ յանձն կալար ինձ, զոհել Լ'պողոնի: Սուրբ վկայն ասէ. Լ'նմիտ և անտմոթ, ես զիմ պատարագ կատարեցի առ Վրիստոս ճշմարիտ աստուածնս իմ. վասն այնորիկ ամենայն աստուածքն ձեր ասականեցան. զմեայ այժմ՝ գիտեա թագաւոր, զի ոչ

1 Յոր. Երստամբեալք եղեալ:

2 Յոր. վասն:

իւրեանց և ոչ այլ ումեք կարեն օգնել ինչ . քանզի կուռքն անմուռնչք , և դեք մոլորեցուցիչք զանմիտ մարդիկ , իսկ այժմ 'ի Վրխտոսի ծառայէ կործանեցան : Յայնժամ Թագուհին Ղղէքսանդրի լուա զեղեալն , ընթացաւ առ Թագաւորն և առաջի նորա աղաղակէր ասելով . Մտուած սրբոյն Վեորգեայ՝ անյաղթ զօրականի քո , քաւեա զիս զմեղաւորս , և մի յիշեր զանդգամութեան իմոյ զգործս տէր Մտուած . այլ յիշեա զկատարման իմոյ զփոփոխումնս , և սուր ինձ մանն և բաժին ընդ քրիստոնեայս և ընդ ծառայի բում Վեորգեայ : Հաւատացին և այլ բազումք 'ի տէր :

Յայնժամ բարկացեալ Թագաւորն ևհաստ վճիռ 'ի վերայ սրբոյն Վեորգեայ և Ղղէքսանդրի , ասելով ցտորք վկայն . Մշա ամենաչար Վեորգեա , և զԹագուհին մոլորեցուցեր և արկեր ընդ մահուամբ . արդ երթ և դու ընդ նմին զարժանի առ 'ի յաստուածմն հայհոյութեան դատաստան ընկալ : Եւ ետուն այսպիսի վճիռ . “ Վեորգեայ խորհրդակցի Վալիլեացոց , վստան ոչ երկրպագելով Մպողովնի , այլ և զԹագուհին ևս ընդ ինքեան մոլորեցոյց զաստուածմն հայհոյել , տամ զվճիռս զայս , սրով զգլուխ նորա կտրել հրամայեմ , հանդերձ Ղղէքսանդրէիւ առ 'ի նմանէ մոլորելոյ ” : Եւ նոյն ժամայն առեալ զնոսա զինուորացն՝ հանին արտաքոյ քաղաքին . երթալով յասպարէզ կատարմանն յօժարութեամբ Ղղէքսանդրեայ սուրբ վկային հանդերձ , և աղօթելով ընդ միտս իւր առ տէր 'ի շարժել շրթանցն միայն , և աչօքն ընդ երկինս հայելով , նստաւ 'ի տեղւոջ միում , և արձակեաց զոգին խաղաղութեամբ :

Իսկ զսուրբն Վեորգիտոս տարան 'ի տեղի կատարմանն , և ասէ ցօրականսն . Մնացէք ինձ սակաւիկ մի , եղբարք , որպէս զի կացից յաղօթս . և իբրև Թողացուցին նմա , հայեցեալ յերկինս տարածեաց զձեռս իւր՝

Հառաչեաց մեծապէս և ասէ . Տէր Աստուած իմ, որ յառաջդ էս քան զամենայն յաւիտեանս, յոր էս ապաւինեցայ 'ի մանկութենէ իմմէ, 'ի գեղեցիկ և 'ի ճշմարիտ ակնկալութիւն քրիստոնէից, և յանսուտ խոստումն ծառայից քոց, անանց գանձ՝ որ յառաջ քան ըզլինդրէն մեր չնորհես մեզ զպարգևս քո ձրիս՝ որք խնդրենն գքեզ . լուր ինձ տէր և տուր զվկայութեանս խոստովանութիւն մինչև 'ի սպառ համբերել . նոյն այժմ՝ ընկալ զոգի իմ, և փրկեա զիս յօղային և 'ի պիղծ հոգւոյն, և հանգո զիս ընդ հաճոյս քո և ընդ սուրբս, և թողութիւն չնորհես հեթանոսացս, զոր գործեցինս ընդ իս . և զծառայս քո՝ որ կարդան զանուն քո՝ լուսաւորեա զնոսա, 'ի գիտութիւն ճշմարտութեան. զի զամենեսեան կամիս զի կեայցեն . առաքեա զօգնականութիւն այնոցիկ որք կարդան զանուն քո, տուր նոցա զերկիւղ քո, և ցանկութիւն զառ 'ի սուրբս զսէրն, զի զյիշատակս նոցա կատարելով՝ նմանեսցեն հաւատոց նոցա . որպէս զի արժանի լիցին ընդ նոսա երկնաւոր կենացն և արքայութեանն յաւիտենից, զի քո է արքայութիւն և փառք Հօր և Հօգւոյն սրբոյ յաւիտեանս . ամէն :

Այլ յետ աղօթիցն խոնարհեցուցեալ ծոնր, ձգեաց զպարանոցն՝ ասէ . Աստարեցէք զհրամանս թագաւորին . և հարեալ սրով՝ 'ի զօրականէն կատարեցաւ 'ի տէր սուրբ վկայն քրիստոսի Վեորգեա, յամենանն մեհեկի իգ, յաւուր ուրբաթու, յեօթներորդ ժամու, 'ի փառս ամենասուրբ Արրորդութեանն, այժմ՝ և միշտ և յաւիտեանս յաւիտենից . ամէն :

Այս Պատիկրատէս ծառայ սրբոյն Վեորգեայ զհետ գնացեալ իմոյ տեառնն՝ ամենայն ստուգութեամբ կարգեցի զյիշատակարանս :

ՍՔԱՆՁԵԼԻՔ

ՈՐ ԵՂԵՆ Ի ՁԵՌՆ ՍՐԲՈՅՆ

ԵՒ ՄԵՆ՝ ՎԿԱՅԻՆ ԲՐԻՍՏՈՍԻ ԳԵՈՐԳԵԱՅ,

ԶՈՐ ԱՐԱՐԵԱԼ Է ՊԱՏԱՆՈՅՆ ԳԵՈՐԳԵԱՅ

ԳԵՐԵՑՆԵԼՈՅՆ ՅԱԶԳԷՆ ԳԳԱՅ

ԵՒ Ի ՁԵՌՆ ՍՐԲՈՅՆ ՓՐԿԵԼՈՅՆ

Արք պարգևացն Մտուծոյ արժանի լինել փափա-
գէք, զյիշատակ և զտօն սրբոցն անյերկուանալի հաւա-
տով և բազում գթով տօնել մի ձանձրացուք: Օ այս
ստուգապէս գիտելով՝ զի սուրբքն որ 'ի մէնջ գովին
բանիւ, այց արասցեն 'ի վերայ մեր, և հովանի և
վերատեսուչ

.
.
.
.
.
.
.
.

Օ այս իբրև լէին բարեկամքն և ազգայինքն ողբակից
լինէին, և դարձեալ բանս մխիթարականս խօսէին ընդ
նոսա: Վիտակ լինէր և մանուկն 'ի գերութեան անդ
յերեկոյին յայնմիկ, յորում վաղիւն տօն էր սրբոցն:
Վանգի էր 'ի խոհարանոցին խարոյկ արկեալ յաղագս
սպասաւորութեան թերմնի. զի սովոր իսկ էր ազգա-
պետն այն ջերմ ըմպել զգինին: Վայր մանուկն թախ-
ծեալ արտասուելով, և տխրեալ խորհէր 'ի մտի իւրում
թէ 'ի տանն իմում յաւուր յայնմիկ հանդերձեալ են
կատարել զյիշատակ սրբոցն ծնողքն իմ, և որք մերձ
են անդր բարեկամքն այժմ 'ի սեղանի բազմեալ լինին.

էս ողորմելի և գերի նշդէհս յանցեալ տօնին ընդ նոսա
էի տօնելով և ուրախանալով ընդ այնոսիկ՝ որ յամենա
սեփհական տաճար սրբոյն ժողովէին պաշտօնակից և
եղանակակից լինէի . և այժմ՝ յերկրի այլազգեացս ՚ի
գերութեան և ՚ի ծառայութեան պանդխտիմ . էս միայն
սուրբ Մտուածոյ գտայ անարժան յայնցանէ որք մտա
նէին ՚ի պատուական տաճար քօ : Մըդ այսօր կատա
րեն ծնողքն իմ զյիշատակ քօ սուրբ , և զիս ոչ տեսա
նեն . յոյժ տխուր է և մայրն իմ , տեսանելով զազգա
կանս և զբարեկանս մեր , զի ժողովին ՚ի տօն քօ և զիս
ոչ տեսանեն . և ոչ լսեն զձայն սաղմուելոյ իմոյ : Օ ինրդ
ոչ տոչորի սիրտ նորա , և պատառէ զպատմունձան իւր ,
ցաւաղին հարուածս ամէլով ՚ի վերայ անձին իւրոյ . ո՞
բարձցէ զհատաչանս հօր իմոյ , և կամ ո՞ կարիցէ կալ
ընդգէմ ողբալոյն նորա , և ո՞ փարատեցէ զարտառու
տառապեալ մօր իմոյ : Ասե էս այժմ զոր օրհնու
թիւնս և կամ զոր սաղմոսս երգեցից ՚ի տօնի քում ,
բայց միայն արտառու անօգուտս , և հատաչանս ու
նայնս ՚ի վշտացեալ սրտէ վերամատուցից : Աղջ լեր
մայր իմ , ողջ լերուք ամենայն ազգականք և սիրելիք և
ծանօթք իմ , և յիշեցէք զիս ՚ի գերութեանս : Աթէ
իբրև զկենդանի յիշէք , աղօթս արարէք վասն իմ , և
եթէ իբրև զմեռեալ , ողբացէք ՚ի վերայ իմ : Աղջ լեր
և դու քահանայ պատուական սպասաւոր սուրբ տաճա
րիդ , որ դաստիարակեալ ուսուցեր ինձ զստուածա
շունչ գիրսս . և արդ յիշեա զիս ՚ի պատուական աղօթս
քօ : Աղջ լերուք և դուք հասակակիցք իմ , և սաղ
մոսակիցք և եղանակակիցք , և այժմ ՚ի տօնի սուրբ
վկայիս՝ մի մոռանայք զօտարս յօտարութեան և լրգե
րիս ՚ի գերութեան :

Օ այս ասելով լուծեամբ արտառու հեղոյր գե
տաբար յաչաց իւրոյ , զի ոչ համարձակեր հատաչանօք
ողբալ յահէ այլազգեացն : Մըլ այժմ միտ դիք զար
մանալոյ սքանչելեացս , տարածեցէք զսիրտս , և բացէք

ընդարձակագոյն զրտելիս ձեր : Սինչդեռ զայս խորհէր մանուկն Պեորդ , ճեպէին զնա ծառայակիցքն զի փութացուցէ զանօթ Չերմին , և բարձցէ 'ի կայծականցն . և նորա սրբեալ զարտասուս յերեսաց իւրոց և առեալ զանօթն 'ի խարուկէ անտի յորժամ եռայր ուժգին յորձանօք , ուլ զարմանալոյ սքանչելեացս , հիանաւ յոյժ և հեր գլխոյ իմոյ խուզանէ զօրէն սրսացեալ ' փշոց , և ոչ զիտեմ զինչ ասացից . սակայն պարտ էր զի կատարեսցի բան տեսուն որ ասաց ցառաքեալն . Սր հաւատայ յիս՝ զգործնն զոր ես գործեմ և նա գործեսցէ : Սինչդեռ երթայր մանուկն և անօթն 'ի ձեռին իւրում , յանկարծակի յափշտակեցաւ 'ի բարձունս , և յական թօթափել բերեալ զնա սուրբն կացոյց 'ի մջ տանն՝ յորում կոչեցեալքն բազմեալ էին , ունելով 'ի ձեռին իւրում զանօթն Չերմին , և այնպէս յորձանս առնոյր տակաւին իբրև թէ առբարձեալ է 'ի կայծականց հրոյն : Օ որ իբրև տեսին ծնողքն նորա , և այնօրիկ որ բազմեալ էին , հիացան յոյժ , և մեծաձայն բարբառ արձակեցին . և յառաւել ուրախութենէն և յանակնսածելի խնդութենէն ծնողք նորա անկան անմոռնչ 'ի վերայ երկրի , և այլքն գիրկս արկեալ համբուրէին զնա , և սկսան հարցանել վասն գալստեան նորա : Եւ մանուկն ծանուցեալ զտուն իւր և զծնողն , և զայնօրիկ որ բազմեալ էին , տարակուսեալ եղև և 'ի հիացման մեծի . ապա եկեալ 'ի միտս իւր՝ պատմէր վասն անձին իւրոյ՝ այսպէս ասելով . Օ այս միայն գիտեմ , զի 'ի ժամուս յայսմիկ 'ի գերութեան և 'ի ծառայութեան էի յերկրին Նուղարաց , և անօթս այս զոր տեսանէք 'ի ձեռին իմում 'ի խոհարարանոցէ կայծականցն առի զսա և կամեցայ ելանել առ տէրն իմ . և յելանելն իմ ընդ սանդուխս տաճարին՝ տեսի անդ այր մի 'ի վերայ երկվարի 'ի ձև զինուորի՝ որ առաւել քան զարեգակն

պայծառացան շառաւեղք նորա . և յանկարծակի յափրջ տակեաց զիս , և ես եղէ իբրև 'ի հիացման մեծի , և ոչ գիտացի այլ ինչ բայց միայն լուայ ձայն ինչ իբրև 'ի ծփա նաց ջուրց որ հարկանէ զգարչապարս երիվարի , և յական թօթափել աստ գտայ՝ ուր տեսանէք զիս . քանզի էի 'ի մէջ ճառագայթից լուսոյ , և ոչ գիտէի թէ ուր եմ ես , մինչև հարցէք զիս :

Օ այս իբրև լուան՝ վաղվաղակի արտաքս ելեալ 'ի տա նէն խնդրէին գտանել զփրկիչ և զկեցուցիչ մանկանն . և քանզի անհնար էր տեսանել զարագահաս նահատակն , անդրէն դարձան 'ի տունս իւրեանց , և հիացեալ էին ընդ զարմնալի սքանչելիսն . մանաւանդ զի զեռ ևս եռայր անօթն 'ի ձեռին մանկանն : Օ արթեան ծնողք մանկանն , և գիրկս արկեալ համբուրէին զնա , և հանդերձ արտասուօք ասէին . Մըգարև սա է որդեակն մեր , ճշմարիտ արդէւք իցեմք եթէ յանուրջս . զի եթէ ճըշմարիտ՝ տեսաք զլոյս աչաց մերոց և զմխիթարիչն սրտից մերոց : Պոհանամք զպարգևողէն Մտուծոյ և զմեծ վկայէ նորա , և որք լայիք ընդ մեզ յաղագս կորստեան որդւոյս մերոյ , այժմ՝ ուրախացիք ընդ յայտնել լուսոյ մերոյ : Օ ինչ ոչ ասէին և կամ զինչ ոչ գործէին արժանի գոհութեան եղելոյ 'ի վերայ նորասքանչ գործոյն : Եւ եղև բանս այս ընդ ամենայն երկիրն և փառաւորէին զՄտուած և գոհութիւն մատուցանէին սրբոյն , և հրամայեցին զի յեռացեալ հրոյն յայնմանէ արբցեն ամենեքեան բազմաւքն . քանզի ոչ երբէք դադարէր յեռալոյ :

Մըք լուարուք և այլ սքանչելիքս 'ի վերայ սքանչելեաց . անօթն այն զոր ունէր մանուկն 'ի ձեռին իւրում , ոչ էր մեծ , այլ փոքր յոյժ , և որք ժողովեալ էին 'ի յիշատակ սրբոյն՝ էին բազմութիւն յոյժ , և ամենեցուն բաւական եղև որք հանդիպեցան անդ , և ոչ երբէք փոխեցաւ 'ի ցրտութիւն յայնքան երկարութեանն ժամոն . այլ այնպէս յորձանս առնոյր որպէս թէ 'ի բոր

բորմանէ հրոյ ստիպեալ լինէր . և որպէս 'ի ժամանակս
 Ադիայի կնոջ այրւոյն օտարասիրի կտիտակ ձիւթոյն
 ոչ նուազեաց և սափոր պէրն ոչ սրահասեաց , այսպէս
 և անօթս այս ոչ նուազեաց յայնքան առատապէս բաշխ
 մանէն , այլ ըստ օրինակի շերտից որ 'ի մէջ ջրոցն
 լինիցին , և արտաքոյ բնութեանն բորբոքեցի հուրն և
 ջուրն ոչ շիջուցանէ , այլ առաւելապէս բորբոքէ , այս-
 պէս և աստուածային հրոյս զօրութիւն 'ի ձեռն սրբոյ
 վկային աղղման զանօթ ջերմին բորբոքէր ուժգին : Այլ
 նոր և զարմանալի հիացմանս : Ա՞ որ լեւրով զբանէլ-
 լիս զայս և ոչ փառաւորեսցէ զայն՝ որ փառաւորեալ է
 'ի սուրբս իւր :

Իսկ ծնողացն առեալ զմանուկն ընթացան յամենա-
 սեփհական տաճար սրբոյն . և իննդութեան արտասուօք
 թանային զատակ եկեղեցւոյն , և այսպիսի մատուցանէին
 գոհութիւն . Վոհանաւք զբէն սուրբդ Մատուծոյ , և
 զքոյին բարեխօսութենէդ և զօգնականութենէ , զի ոչ
 անտես արարեր զպաղատանս մեր : Այլ զերաշխարհու-
 թիւն քո կատարեցեր , և զորդիս մեր ամբողջ պահեալ
 հասուցեր առ մեզ . արդ սարգևեես քառութիւն ծառս
 յից քոյ յաղագս նախատանաց և չար բանիցն զոր խօ-
 սեցաք վանն քո , քանզի ցաւ գորովին խոցոտէր զհոգիս ,
 և բնական գութն ծնողական զարարէր զաղիս , և բան
 անարաշաճ՝ հարկաւորէր զիս խօսել : Օայս և առա-
 լելքան զայս գոհութիւն մատուցանէին սրբոյն : Աւ-
 ետուն զանօթն զայն 'ի տաճար սրբոյն 'ի պէտս սպասա-
 ւորութեան անարատ մարմնոյ և արեան տեսուն մերոյ
 Յիսուսի Վրիստոսի , 'ի հաւատարմութիւն տեսողաց
 և 'ի վկայութիւն սբանչելեացն՝ որ եղև առ մանուկն :
 Առան ամենայն բնակիչք կողմանցն այնոցիկ զզարմա-
 նալի զբանչելիանս , և եկեալ տեսանէին զանօթն 'ի տա-
 ճար սրբոյն , առաւել գոհութիւն մատուցանէին Մատու-
 ծոյ որ զկանն երկիւղածաց իւրոց առնէ , և ստէին : Աբան-
 չելի է Մատուած՝ 'ի սուրբս իւր՝ որպէս Վառիթ երգէ ,

և սրանչեւի արար տէր զտուրքս իւր 'ի վերայ երկրի :
Ս'նչ մեծի սրանչեւեացս , վնչ հաւատոց ծնողացն , վնչ
իննամոցն և բարեգութ օգնականութեանն : Օ ինչ
սրանչեւի քան զայստիկ Մ'մբակումայ մարգարէին , որ
յափշտակեցաւ 'ի միգական երկրէն և մնտոյց զձաշն 'ի
Ղաբեղն Վանիէլի մարգարէին 'ի մեջ առեւծուցն , և
վաղվաղակի անդրէն դարձաւ 'ի տեղի իւր : Սկ սրա-
կաւոր ճգնազգեաց վկայս Վերդիտս 'ի ծառայութենէ
զմանուկս յափշտակեաց ազատելով 'ի բարբարոսական
զազանաբարութենէն , յական թօթափել կացուցեալ
'ի տան իւրում , որպէս սուրբ վկայքն Վրիտասի Վու-
րիտս , Սամոնիտս և Ղբիրաս զաղջիկն կենդանոյն ե-
ղեալ 'ի զերեզմանի՝ յափշտակեալ և կացուցեալ յա-
կան թօթափելն 'ի տաճարն իւրեանց , և ետուն մօր իւ-
րեանց ամբողջ անդամօք : Ղյսպէս երազահաս օգնա-
կան Վերդ խոնարհեալ յաղլանս ծնողաց մանգանն՝
ամբողջ պահեալ 'ի պատերազմէն և աղատեալ 'ի հե-
թանոսական ծառայութենէն հատոյց առ ծնողն իւր :

Ղյլ զու ուլ ամենազարդ և փափագելի վկայ , հաս-
տատուն և իր և անուն , Ղստուծոյ մշակեալ 'ի կեն-
սաբեր տունդ . բաջազուարթ և պողաբեր այգի՝ որ
կերակրես զհոգիս և զմարմինս այնոցիկ՝ որք հաւատով
կարդան զանուն քո : Ս'վ սրածանք մարտիրոսաց և սպ-
ծառութիւն ճգնազգեաց արանց , որ ամենայն վտան-
գելոց պատրաստական ապաւէն գտանիս , և հովանաւո-
րեալ պահպանես , որք անյերկուանալի հաւատով խորնդ-
րեն գքո միջնորդութիւնդ . ժամանեա և մեզ յօգնա-
կանութիւն , որք փափագանօք կարդանք զերազահաս
անուն քո , և կատարեմք բաղձանօք զյիշատակ քո .
ազատեա զմեզ յերեւելի և յաներևոյթ թնամեաց
դաւաճանութենէ : Օքեզ կարդայ և փառաւորէ ամե-
նայն բերան , զքեզ օրհնէ ամենայն լեզու , և ցանդալի
և աստուածազարդ անուն քո հռչակեալ է ընդ ամենայն
տիեզերս . զքեզ սուրբութիւն է կոչել յօգնականու-

Թիւն ամենայն հաւատացելոց, և փրկող և ապաւէն և անպատկառելի միջնորդ ստացեալ են: Վու ինքն գերապայծառ և սրակազգեստ վկայ, մեծդ նահատակաց, որպէս ստացեալ էս համարձակութիւն առ նահատակադիրն և սրակապարզ և արարիչն մեր: Վոչեա յօգնականութիւն մեզ զնահատակակիցսքո զմարտիւրոսս, զբրիտոնէից ապաւէնս և զառաջնորդս, զնախավկայն զանտիակայն զՍտեփանոս, զՍտեփորոս զոր 'ի կարգալն յօգնականութիւն հաղորդ քեզ կոչեն զնահանապազ, զՍերկուռիոս վկայ, զՍեմետրիոս Թեսաղոնիկեցին, զՍոսիակոս վկայ, զՍատաթէոս և զմանկունս նորա, զՍատուատիոս և զընգերս նորա, զՍրեք վկայքն որ ըստ օրինակի քո ասլրեցուցին զգուստր այրւոյն 'ի գերեզմանի եդեալ կենդանւոյն, զՍնդիկոս, զՍեգասիոս և զընգերս նորա, զՍուրբոս, զՏարաքոս և զՍնդրոնիկոս, և զամենայն սուրբս և զարի նահատակս. յաղագս հաստատութեան ինքնակալ Թաղաւորաց, խաղաղութիւն պարզ և ել աշխարհի, և յաղթութիւն ընդդէմ Թնամեաց, բարեխօսութեամբ ամենասրբուհի և միշտ կուսին Սարիամու, զի փառաւորեսցուք զա մենասուրբն Մատուծ, հանդերձ հարբ և հոգւոյն սրբով, այժմ և միշտ և յաւիտեանս յաւիտենից. ամէն:

Իրագործեցաւ դործ սքանչելեացս 'ի ժամանակս Վու կասու Տիւրանոսի կայսերն Յունաց: Եւ Թարգմանեաց 'ի հռոմոց 'ի հայս սուրբ քահանայապետն հայոց մեծաց Վրիգորիոս Սկայասէր, զոր և պսակակից արասցէ Վրիստոս սրբոյ վկային և աղօթիւք ամենայն սրբոց. և ինքն եղիցի օրհնեալ յաւիտեանս. ամէն:



ՍՈՒՐԲ ԵՒ ՓՆՈՆԻՈՐԵԱԼ ՎՎԱՅԻՆ ՔՐԻՍՏՈՍԻ

Գ Է Ո Ր Գ Ա Յ

ԱՌԱՋԻ ԵՕՐԱՆԱՍՈՒՆ ՔՐԻՍՏՈՐԱՅՆ



Ի ժամանակս հալածանաց եկեղեցոյն Վրխատոսի յաւուրս ձմեռնացեալ յարուցման համօրէն ամբարըջ տութեան, յորժամ կացին թագաւորք իբրև զմրրիկ գազանացեալք, և ապականէին զբարեպաշտութեան գբարողսն, և ըստ իւրեանց անպարշտութեանցն՝ կոոց զոհել հարկեցուցանէին: Իսկ թագաւորն՝ Վաղիանոս՝ նստեալ յաթոռ դատաւորութեան գրեաց թուղթ օրինակ այսպէս. Ինքնակալ թագաւոր Վիոկղիտիանոս ամենայն աշխարհի ինդալ՝ Վանգի համբաւ ընթացաւ ՚ի լսելիս եթէ զոր ՚ի Սարիամայ ծնաւ պատուեն և երկրպագի, և Լպողոն և Լքրմաս և Լքրմէս և Լքրակէս և Լքիեստոս և Պեսագրոն և այլք ՚ի չաստուածոցն ոչ երկրպագին, և զՎրխատոս՝ զոր հրէայքն գաւազաւ նօք մնչեցին՝ զնա աստուածաբանեն. յլանս այսորիկ

1 Միւս օրինակն ամենայն ուրեք Դատիանոս ասէ և ոչ բնաւ Վիոկղետիանոս: Իսկ սա աստ ՚ի սկզբանն և եթ:

Թագաւորութիւնս մեր հարկեցուցանէ զոհել բարե-
րար աստուածոց մերոց, որով և գրեմք ամենայն աշ-
խարհի գալ ՚ի համբաւս յայս :

Այս հասեալք վաղվաղակի ՚ի լուր գրելոցն, և ժող-
վեալ զամենայն աշխարհս եկին հասին եւ թանասուն
Թագակալք և բազմութիւն զօրաց նոցա, որպէս զի ոչ
գոյր բաւել տեղւոյն այնմիկ . և նստեալ ինքնակալն
Ղեկղղիտիանոս Թագաւորն, և որոց ընդ նանցն էին
Թագակալքն շուրջանակի, և հրամայեաց զտանջանա-
րանսն առաջի դնել . և էին տանջանարանքն այնորիկ՝
արկեղք պղնձիք, և տապակս, և սուր երկայրիք, և
ատամնահանք, և կատսանք և մահահանք, և անիւք, և
շանկուրք, և սանդղք, բւեռք, և շաղախք երկայնածիւղք,
և ջղալուծք, և որ ինչ միանգամ երկաթի արուեստից
ի վաղնջուցն պատրաստեալ էր մեքենայս, և հրա-
մայեաց զայն առաջի դնել, զի որոց ունէին յօժարու-
թիւնս վկայել ՚ի տեսլենէ տանջանացն երկուցեալ ՚ի բաց
փախէր զնոս ածելով զիւրաքանչիւր ուրուք զհար-
ցաքննութիւն լինել յինքեանս . և ոչ որ այնուհետեւ
համարձակէր ասել եթէ ես քրիստոնեայ եմ, մինչև
ցամիսս երիս, զի ասաց խորամանկ վիշապն այն, եթէ
գտից զոր ընդդիմացեալ՝ հալածեալ զոհել աստուա-
ծոցն՝ յարուցից ՚ի վերայ նորա հայրենական վնասս,
և կուտեցից զանազան տանջանօք և զործականօք կազ-
մութեամբ և նոյն ինքն կատարած տեսողացն մահ :

Յայնժամ երեալ մատչէր անդ ոմն երիտասարդ
իբրև զաստղ ծագել ՚ի մէջ երկնի և երկրի ՚ի մարտի-
րոսաց ազգէ յաշխարհէն Ղամբաց և անուն նորա
Ղեորգէոս, զինուորեալ ՚ի դունդն Ա իկրատայւոց,
բարեք տեսլեամբ և կատարեալ հաւատով, փարթա-
մացեալ ընչիւք բազմօք, ընթացաւ առ դատարանս Թա-
գաւորին զի լցուցէ նովաւ զցանկութիւն իւր : Այս
յորժամ ետես սուրբն Ղեորգէոս եթէ զգլանս պա-
տուեն, վաղվաղակի զառձեռն ինչս իւր ետ աղբատաց,

և մերկացեալ ինքնին 'ի հանդերձից իւրոց , և աղա-
 զակեաց ասելով . Վրխտոնեաց եմ , զխորհուրդս ձեր
 և զսպաննալիսդ ամիրսիեցեք ով դատաւորք հանդերձ
 ինքնակալաւդ , և զսոսա որք ոչ են աստուածք՝ մի
 անուանէք աստուածք , զի աստուածք որք ոչ արարին
 զերկինս և զերկիր՝ կորիցեն : Այս հայեցեալ 'ի նա
 անդնդային վիշապն ասէ . (Թագուցեալ էիր 'ի միջի
 աստ իբրև զդոյզն ինչ , արդ մատիր և զոհեա աստուա-
 ծոցդ , երկիր զգուշութեամբ 'ի նոցանէ , քանզի յոյժ
 գիտող են յանցաւորաց թողութիւն չնորհել , և ծա-
 նիր այսուհետև զի Ապողոն էր որ կախեաց զերկինս՝
 իսկ Ասկղիպատս զերկիր հիմնեցոյց . ևս Ալամանդրոս
 և Արատէս զարեգակն և զլուսին պայծառացուցին .
 արդ վասն որոյ ասենն Վրխտոս այնպիսի ինչ ոչ արար :
 Ասցյ ասա ինձ , յուսմէ՞ քաղաքէ ես դու , և զինչ
 անուն է քո , և զինչ եղև պէտք հասանել քեզ աստ :
 Իսկ սուրբն Վեորգէոս ասէ . Թէ Ապողոն զերկինս
 կախեաց , բարւոք է՝ զի ասես թէ աստուած է . և թէ
 Ասկղիպատս զերկիր հիմնեցոյց , բարւոք ասես թէ աս-
 տուած է : Իսկ ոչ ամաչես երեքթշուառեան , աս-
 տուածս անուանել զկուռադ . բայց ես ոչ վասն ձեր և
 ոչ վասն թագաւորացդ որ ընդ ձեզ նստին ասացից զա-
 նուանս մարգարէիցն . և արդ փոքր ինչ յիշեցուցից
 զողորմութիւնս նոցա , որ ինձ զայդպիսի պատասխանի
 առնես ո՛վ թագաւոր . զՊետրոս գլխաւոր առաքելոցն՝
 ասես եթէ զԱպողոն զկորուստն աշխարհի . զԱդիա
 թեզբացին որ 'ի յերկինս շրջելով և յերկնից կամարն
 մերձեցաւ , եթէ զԱլեանդրոս որ կախարդեաց ըզ-
 Պիսոս զյղացեալն ընդ Ալեանդրեայ , յորմէ ծնաւ
 երկուս որդիս զԱրափ և զԱփոյն , Պոնդացիք նախա-
 շինողք որ յաղագս գործոյն իւրեանց խորատոյդ եղեն
 յանդունդս ծովուն : Օ Ապողոն 'եթէ զԱրափէս՝
 եթէ զմերոյ մարգարէիցն , զառաքելոց և զմարտիրոսաց
 պաակն , և զպարգևան Արխամու՝ Աստուածածնի ,

եթէ զձեր զԱյրողինէ մարդասպանին . ամաչելով 'ի բռնաւորացդ , քանզի ոչ են աստուածք՝ այլ կուռք խուլք :

Այլ զայրացեալ թագաւորն հրամայեաց կախել զնա 'ի բիղլս կամարին , և երկաթի քերանօք քերել զնա՝ մինչև փոր նորա յերկիր հեղոյր , և շաղախեալ արեամբն իւրոյ ամենայն մարմին նորա : Աբրե զայս վէրս արիաբար ընկալաւ , հրամայեաց առնել կօշիկս երկաթիս , և ագուցանել զնա , և յորոքն հարկանել բեւեռս՝ և սկսան բեւեռօք ծակտուել զձիրս ոտից նորա , և շուրջ հեղոյր արին նորա : Աբրե զայս վէրս արիաբար ընկալաւ , կախեցին զնա գլխիւայր , և բեւեռս հարին 'ի գլուխ նորա , և տարան զնա 'ի բանդ . և հրամայեաց շինել շինուածս բարձր , և անդ բեւեռել զոտս նորա . և հրամայեաց իջուցանել զնա և կապիճ՝ դնել 'ի գլուխն , և որպէս ազնոյ հարկանել զգլուխ նորա , և ուղիղ գլխոյ նորա ելանէր ընդ ռնգունս նորա : Յայնժամ հրամայեաց տանել զնա 'ի բանդ . և բերին չորս ցիցս , և կապեցին զոտս և զձեռս սրբոյն անդ . և վէմ՝ մի մեծ ծանր աշխատութեամբ բառնալ և դնել 'ի վերայ նորա : Այլ 'ի գիշերին յայնմիկ երևեցաւ նմա տէրն ասելով . Օ՞րացիր և քաջալերեա նահատակ իմ՝ Վեորգիէ . յանձն իմ երդուայ զի ոչ որ է 'ի ծնունդս կանանց մեծ քան զՅովհաննէս Սկրտիչ և զմարգարէ , և 'ի թագարութեան իմում մեծագոյն քան զքեզ 'ի վկայս իմ՝ ոչ որ յարիցէ . քանզի վկայութիւնդ առաջի եւթանասուն թագաւորաց եղև և զեօթն ամ՝ երիցս մեռցիս , և ես յարուցից զքեզ . իսկ 'ի չորրորդումն ես ինքնին եկից առ քեզ 'ի վերայ ամպոց՝ սրբովք հրեշտակօք , և առից զաւանդն՝ զոր աւանդեցի 'ի պատուական մարմնի քում . արդ զօրացիր և մի երկնցիր : Այլ զայս ասացեալ տէրն վերացաւ յերկինս՝ հանգերձ հրեշտակօք իւրովք . իսկ սուրբն Վեորգիոս աննինջ կայր մինչև ցառաւօսն վասն յորդորմանն Վրխտոսի :

Եւ ընդ առաւօտն հրամայեցին առաջի տանել բեմին . և կայեալ առաջի սուրբն Վեորգէոս սաղմոսելով, « Բարեւոյ յօգնել ինձ նայեաց և տէր յընկերել ինձ փութա » : Եւ ածեալ զնա առաջի բեմին , ասէ սուրբն Վեորգէոս ցԹագաւորն . Վու և Բպողոնն քո , և ես և Վրիստոնն իմ : Եւ զայրացեալ Թագաւորն հրամայեաց զնա պրկել , և հարկանել զԹիկունս նորա հարիւր և քառասուն արջառաջլօք , և դարձեալ արկին զնա 'ի բանդ , մինչև խորհեացին Թէ որպէս կորուցեն զնա : Եւ 'ի վաղիւ անդր նստէր Թագաւորն Վիտկ ղիտիանոս 'ի վերայ վիմին , գրեաց Թուղթ օրինակ այսպէս . « Բմենայն աշխարհի ինդալ » . ԵԹէ որ մտգողով կարասցէ զմոգութիւն քրիստոնէից լուծանել , եկեսցէ առ իս , և տաց նմա երեսուն լիտր ոսկի , և ստացուածս՝ որչափ և ինդրեացէ յինէն » :

Եւ ահա գայր ոմն անուն ԲԹանասիոս , ասէ՝ . հրամայեա ածել զուարակ , և ածել առաջի բեմին . և յարուցեալ ԲԹանասիոս խօսեցաւ յունկն զուարակին , և առ Ժամայն հերձաւ զուարակն՝ և եղև յերկուս : Եւ Թագաւորն ուրախ եղև , և ասէ . Ղանարտապէս կարող ես լուծանել զմոգութիւն քրիստոնէիցն : Իսկ ԲԹանասիոս ասէ . Բնաս , ով Թագաւոր , և տեսցես մեծ զարմացումն . արդ հրամայեա բերել լուծ առաջի բեմիս . և վաղվաղակի բերաւ : Եւ եղեալ ԲԹանասիոս զլուծն 'ի վերայ զուարակին , խօսեցաւ յունկն զուարակին և առ Ժամայն ողջացաւ զուարակն : Յայնժամ հրամայեցաւ առաջի ածել զսուրբն Վեորգէոս , և ասէ զնա . Վեոր-

1 Միւս օր . Թագաւոր Վաստիանոս աշխարհի ամենայնի ինդալ . . . երեսուն լիտր ոսկի և երկերիւր լիտր արծաթոյ :

2 Միւսն . Թագաւոր , յաւիտեան կեաց . ո՞ խօսեցի առաջի իմ համարձակ , Թէ ոչ յանդիմանեցից զմոգութիւնս նորա : Իսկ Վաստիանոս ասաց . Զինչ է որ առնես 'ի լուծումն քրիստոնէից : Իսկ ԲԹանասիոս ասաց . հրամայէ բերել զուարակ , և այլն :

գէոս զսս վասն քո ածի այսր , և կացուցի առաջի թա-
գաւորութեան խնոյ և առաջի քո . կամ լոյժ դու զմո-
գութիւն դորա , կամ լուծցէ դա զմոգութիւն քո : Եւ
նայեցեալ սուրբն Վեորգէոս առ Մթանաս և ասէ .
Փութացիր , որդեակ , արա զինչ և կամիս առնել . քան
զի տեսանեմ զհետ սակաւու մի հասանել շնորհաց 'ի
վերայ քո : Իսկ Մթանասիոս առեալ զբաժակ խառ-
նեալ ձեռամբ իւրով , և կարդաց զանուն դիւաց բազ-
մաց , և ետ ըմբել սրբոյն Վեորգիոսի , և ոչ ինչ
մնաս եղև նմա : Իսկ Մթանաս ասէ . Եւ լևս միան-
գամայն տաց ըմպել նմա . և եթէ ոչ ինչ արասցէ ,
գնամ և ես առ խաչելեալն : Եւ առեալ միւս այլ բա-
ժակ , և կարդաց զանուն դիւաց չարագոյն քան զառա-
ջինն , և ետ ըմպել սրբոյն Վեորգէոսի . և ոչ ինչ մնաս
եղև նմա : Յայնժամ Մթանասիոս ասէ ցուրբն
Վեորգէոս . Նրազ Ճնմարտութեան Վեորգէոս ,
ողորմեա հոգւոյս խնոյ , և տուր ինձ առ 'ի Վրիստոս'
զկեաննն , որպէս զի և ինձ բացցէ դժնապանն զդուռն
Ճնմարտութեան : Եւ տեսեալ թագաւորին զեղեալ
զարմանս , հրամայեաց զՄթանասիոս հանել արտաքս
'ի քաղաքէն և սպանանել¹ : Եւ կատարեցաւ խոստո
վանութիւն նորա բարի վկայութեամբ 'ի Վրիստոս ,
'ի յուլիս ինչ , յաւուր շաբաթու 'ի ժամ իններորդի :

Իսկ զսուրբն հրամայեաց տանել 'ի բանդ , և ասաց
առնել անիւս մեծամեծս , որ ունէր բեւեռ երկաթիս
և շաղափս² և ատամնահանս , և 'ի ներքոյ սուր երկ-
սայրիք , և եղև մեքենայն իբրև զմամուլս հիւանականս .
և հրամայեաց բերել զայն առաջի բեմին : Եւ եկեալ
սուրբն Վեորգէոս , և տեսեալ զմեքենայն հաստա-

1 Միւսն . Տուր ինձ զառ 'ի Վրիստոս կնկքն :

2 Միւսն . Արով ստատակել :

3 Միւսն . Շաղափս ատամնաթափս և 'ի ներքոյ սուր երկասայրիս .
իբրև եղև մեքենայն իբրև զմամուլս հիւանական :

տեալ, և իբրև զմամուլս հիւանականս յօրինեալ, և 'ի դողման եղեալ՝ յինքեան ասէր թէ Ոչ ապրեցայց 'ի մեքեանայէս յայսմանէ : Եւ յետ այսր նորոգեալ ըզխորհուրդս իւր , ասէ . Պէտք ընդէր այդպիսի խորհուրդ խորհեցար 'ի սրտի քում . զիտեմ զՏէր մեր Յիսուս Վրիստոս 'ի մէջ երկուց աւագակաց խաչեալ : Եւ համբարձեալ զաչս իւր առ բարեգործողն Վրիստոս , ասէ . Մնակիղքն , անփոխանորդ , յաղթող և վկայից պսակ , կարդամ ճշմարիտ ծնունդ Հօր Վրիստոս Մատուած , որ 'ի նաւին յարուցմանց հողմոցն սաստեցեր , և զչնչումն վիշապին դադարեցուցեր . որ զանհաւան հրեշտակն 'ի խորս տարտարոսին արգելէր , և էն նոքա 'ի ներքոյ նդաց դժոխոց դրանց , 'ի վիշապաց տանջեալք և հրամանի քում ընդդէմ ոչ կարեն կեալ . և զպատկերն ոսկի փշրեցեր , և զանդգամ թազաւորն 'ի մարդկանէ հալածեցեր , և ընդ գաղանս վայրենիս զբաժին նորա եղեր , մինչև յեւթն ժամն նակ փոխեցաւ 'ի վերայ նորա , յորժամ զիտաց եթէ դու ես տէր Մատուած միայն , որ 'ի վերայ ջրոց զնացեր , և 'ի Սարխանց եղեր . զոր ոչ ոք 'ի մարդկանէ կարող է քննել զծնունդն ճշմարիտդ Յիսուս Վրիստոս . եկ առ իս առ ծառայս քո , և ապրեցո զիս 'ի տանջանացս որ շուրջ պատեալ է զինև , քանզի դու ես օրհնեալ և փառաւորեալ յաւիտեանս յաւիտենից . ամէն :

Եւ կատարեալ զաղօթսն , ընկեաց զանձն իւր յանին , և սաստկադոյն ըմբռնեալ կոտորեցաւ ամենայն մարմինն նորա , և զիտացին եթէ վախճանեցաւ : Եւ թագաւորն Պիոկղէտիանոս ամբարձեալ զաչս իւր , ասէ . Պիտացէք ամենայն ժողովուրդք , զի ոչ գոյ այլ աստուած բայց յԱպողինէ և Երմեսդայ և Մրամագդայ և Երակէսի և Փետտոսի և Պեսագրոնի , և

1 Միւսն Պոպիդոն , փոխանակ գրեւոյ Պոպիդոն :

յիգայ անտի մեծն Մրտեմիս Լփեսացոց : Լը արդ
 ուր է Մտուածն Վէորգու . ընդէր ոչ եկն աստ , և
 փրկեաց զսա 'ի ձեռաց մերոց : Լը հրամայեաց իջու
 ցանել զնշխարս նորա 'ի գուբ ունայն , և քար մեծ
 եղեալ 'ի վերայ նորա , ասէ , զի մի սք 'ի քրիստո
 նէիցն եկեալ գողացցի զնշխարս նորա , և յարուցա
 նիցէ վիպարան յանուն նորա :

Լը էր ժամ իբրև վեցերորդ , և ամենքին մտին
 'ի ճաշ : Իսկ 'ի գնալն նոցա շարժումն մեծ եղև , և
 որպէս թէ ամենայն երկիր մթացեալ , և ամենայն
 երկիր շարժեալ . և փողեալ Սիբայէլ զեղջեւր ' փո
 ղոյն , և ահա կառք հրեղէնք յերկնից , և Տէրն 'ի
 վերայ կառաց քերովբէից , և Սիբայէլ և Վաբբիէլ և
 Ռավայէլ և Սաղաթիէլ¹ : Լը ասաց տէրն ցՍի
 քայէլ . Սիբայէլ հրեշտակապետ ուխտի խնամ , էջ
 'ի բերան գբիդ , և կցեա զտակերս Վէորգոյ 'ի միասին ,
 վասն զի ասաց մինչդեռ 'ի մարմնի էր , եթէ ոչ կա
 ըմ ապրել 'ի մեքենայիցս յայսմանէ , զի գիտացէ թէ
 ես եմ Մտուած Մբրահամու և Սահակայ և Յակո
 բայ : Լը կալեալ Տէրն զձեռանէ Վէորգայ , ասելով .
 Մհա ձեռն որ ետտեղծ զքեզ և զնախահայրն քո , նոյն
 ձեռն և այժմ ետտեղծ զքեզ վերստին . և փչեաց յե
 ռեսա նորա . և անկաւ յաչաց նորա որպէս կեղևանք ,
 և ետ նմա տէրն ոգի կենդանի . և յետ այտորիկ ողջոյն
 ետ նմա Տէրն , և վերացաւ յերկինս հանդերձ հրեշ
 տակօք իւրովք :

Յայնժամ յարուցեալ սուբէն Վէորգէոս շրջէր 'ի
 փողոցս քաղաքին խնդրելով զՎիոկղիտիանոս և ըզ
 թազաւորս որ ընդ նմայն էին . և գտեալ զնոսա 'ի
 տեղւոջ ուր կային , և կացեալ առաջի նոցա՝ ասէր աղա
 զակելով . Ղանաչէս զիս , ուլ Վիոկղիտիանոս . և նա

1 Միւսն . փողեաց Սիբայէլ եղջեւր փողոյն :

2 Միւսն . Սիբայէլ , Վաբբիէլ և բաղում հրեշտակք ընդ նմա :

ասէ . Ո՛չ էս դու : Եւ սուրբն ասէ . Ես եմ՝ Վեորդէս
Ծառայն Մատուծոյ Յիսուսի Վրիստոսի , որ 'ի քէն
եղէ կատարեալ և ընկեցեալ 'ի դուք . ընդէր թնա-
մանես զանուն Մատուծոյ ինոյ : Եւ 'ի Վիտղիտիանոս .
Ուրեմն ստուեր նորա՝ իցէ . և Սաղնիտիոս ասէ .
Ղմարտապէս ասես որ ստուերն է նորա : Իսկ սուրբն
Վեորդէոս ասէ . Ես եմ՝ Ծառայն Մատուծոյ Վեոր-
դէոս : Եւ տեսեալ Սաղնիտիոս՝ աթոռակից թագա-
ւորին զյոյով բազմութիւն ժողովրդեանն՝ որ հաւա-
տացին 'ի Տէր , և տեսեալ զսուրբն Վեորդէոս թէ
յարեալ 'ի մեռելոց , հաւատաց ինքն ամենայն իշխա-
նութեամբն իւրով : Եւ տեսեալ թագաւորին թէ
յոյով բազմութիւն հաւատացելոց մերձենային առ Մա-
տուած , հրամայեաց զնոսա արտաքոյ քաղաքին հանել
և սպանանել 'ի մարտի՝ ամոց 'ի իմ . և երթեալ
հասին 'ի դրախտին խաղաղութեամբ :

Յետ այսորիկ հրամայեաց թագաւորն Վիտղիտիա
նոս բերել մահիճս պղնձիս և հրացուցանել , և զարդարն
պրկել 'ի վերայ նորա . և հայեալ կապար , և երկա-
թով բացեալ զբերան երանելոյն , և արկեալ 'ի ներս
զկապարն , և ոչ ինչ մերձեցաւ 'ի նա : Եւ հրամայեաց
բւեռոս հարկանել 'ի գլուխ նորա , և կապարով պնդել ,
և քար մեծ քանդակեալ և դնել զայն 'ի վերայ գլխոյ
նորա , և հանդերձ քարիւն խողխողեալ՝ զնա յերկար ,
որպէս զ'ի հողովէն զնա բաժանեսցին անդամք յօդուա-
ծոց նորա : Եւ իբրև զայս տանջանս արիաբար ընկա-
լաւ , յետ այսորիկ հրամայեաց զնա գլխովայր կախել
և բւեռոս հարկանել յոտս նորա . և կապեցին 'ի պա-

1 Միւսն . Ստուեր բռնամահին է :

2 Միւսն . Տեսեալ Անատաղիւ զօրավարի :

3 Միւսն . Փեղբուարի իմ , յաւուր շարաթու . իններորդի
(ծանոս) :

4 Միւսն . հողովէլ :

րանոցն նորա քար մեծ . և ապա հրամայեաց առնել եզն արնձի , և արգելուլ ՚ի նա զարդարն , և հարկանել ՚ի նա բւեռու որպէս զի հոսեցի արիւն նորա իբրև զփոշի . և հեղեալ արիւն նորա յոյժ : Եւ իբրև զայս վեր արիաբար ընկալաւ , հրամայեաց արկանել զնա ՚ի բանդ , մինչև զմտաւ ածիցէ թէ որպիսի տանջանօք կորուսցէ զնա :

Իսկ Տէրն երևեցաւ նմա ՚ի բանդին , և ասէ . Օ զ րացիբ և քաջալերեա նահատակ իմ՝ Վէորդիէ , քանզի ուրախու թիւն է յերկինս և յերկրի ՚ի վերայ նահատակութեանդ քո . քանզի միանգամ մեռար , և յարուցի զքեզ . և արդ երկրորդ անգամ մեռանիս , և յարուցից զքեզ . իսկ ՚ի չորրորդումն՝ ես ինքնին եկից առ քեզ ամպովք և հանգուցից զքեզ ընդ Մբրահամու և ընդ Սահակայ և ընդ Յակոբայ : Եւ վերացաւ Տէրն յերկինս հանդերձ հրեշտակօքն իւրովք : Իսկ սուրբն Վէորդիոս անքուն կայր մինչև յառաւօտն :

Եւ իբրև այդ եղև՝ հրամայեաց բերել առաջի բեմին . և ասէ զնա թագաւորն Սեգնատիոս՝ . Վէորդիէ , նշան ինզրեմք ՚ի քէն , եթէ տացես մեզ՝ հաւատասցեմ ես յ՚ստուածն քո . են առ մեզ աթոռք չորեք տասանք իւրաքանչիւր ՚ի նոցանէն ունելով տախտակս պողպքանդս՝ , թէ աղօթիւք քովք պողպքերին տախտակքն՝ հաւատասցուք յ՚ստուածն քո : Իսկ սուրբն Վէորդէոս ասէ . Ոչ վասն ձեր թագաւորացոյ արարից զայդ , այլ վասն մերձակայ ժողովրդեանդ . վասն զի ունիմ բազում ոչխարս ընտրեալս ՚ի գաւթէս յայսմանէ տանել ՚ի գաւթիս տեառն իմոյ : Յայնժամ ծունր եղեալ կայր յաղօթս . և կատարեալ զաղօթսն լինէր

1 Այսպէս յօր . Միւսն , յերրորդում . այլ պարմանիւնն լուրջս թոսէ մասնել սրբոյն :

2 Միւսն . Մանգնեհտիանոս :

3 Միւսն . Պողպքանդակս :

օդն ամպախառն ¹, որպէս թէ ամենայն երկիր մթա
նալ, և ամենայն լեռանց շարժել. և ահա վաղվադակի
հոգի Մսուածոյ էջ ² ՚ի վերայ չորեքտասան աթուոցն, և
առժամայն արմատացան. և եցոյց սուրբն Վեորդէոս
զանպտուղն՝ որպէս պտղաբերս ³, և զպտղաբերն՝ որ
պէս զանպտուղս : Աւ տեսեալ թագաւորին զքանչե-
լինն զարմացաւ յոյժ, և ասէ . Սեծ է Մսուածն՝ որ
՚ի ցամաքեալ փայտս զօրութիւն եցոյց : Աորհէին թէ
հրպէս կորուսցեն զնա : Իսկ անօրէնն Վիոկղիտիանոս
հրամայեաց սոց բերել, և նովաւ սոցեւ զսուրբն, և
այնպէս աւանդեաց զհոգին իւր առ Մսուած. և հրա-
մայեաց բերել թոնիր ⁴ մեծ, և զմարմին արդարոյն
ընկենուլ ՚ի նա : Աւ թոնիրն վառեալ էր հրով աստ-
կագոյն, որպէս զի բոց նորա ցոլացեալ ելանէր ՚ի վեր
կանգունս հնգետասան ⁵. և զինուորացն ոչ կարացեալ
տանել զտոչորումն թոնիրին, ազդեցին թագաւորին
թէ այրեցաւ թշուառականն այն ամենեւին : Հրա-
մայեաց զնա թաղել հանդերձ թոնիրին, ասելով .
Պուցէ եկեսցէ որ ՚ի քրիստոնէից, զողացէ զնշխարս
նորա, և շինեսցէ վիպարանս յանուն նորա, և եկեսցէ
արիւն նորա ՚ի վերայ գլխոց մերոց :

Իսկ յորժամ գնացին ամենեքեան, էջ Տեր յերկ-
նից հանդերձ հրեշտակօք իւրովք սրբովք, և ասէ
ց՝ Աղաթիէլ . հրեշտակ ուխտի իմոյ էջ ցրուեա՛ս
զթոնիրն. և երթեալ Աղաթիէլ որպէս հրամայեաց
Տէրն, և երևեցաւ լոյս մեծ ՚ի տեղւոջն յայնմիկ,
որպէս զի ոչ կարէին տեսողքն մերձենալ որ անդն

1 Միւսն . ամպախիտ օդ . . . թանալ ամենայն երկրի :

2 Միւսն . Չանպտուղն իբրև զանպտուղ, և զպտղաւորն իբրև
զպտղաւոր :

3 Միւսն աստ և զկնի ունի Ս= :

4 Միւսն . Յնդեալ ՚ի նմանէն չիթս ՚ի կանգունս հնգետասան :

5 Միւսն . էջ ցրուէ զանն և զկաթուածն ընտրէ :

կային . և խօսեցաւ Տէրն , և ասէ . Եւ եւմ Մատուած՝
որ յարուցի զ[] ազարոս , և քեզ ասեմ Վեորգիէ , արի՛
'ի քնոյ քուսմէ : Իսկ սուրբն Վեորգիէ զարթեալ
որպէս 'ի քնոյ , որպէս թէ ոչ մի տանջանա կրեալ էր :
Եւ տեսեալ զնա այնուհետեւ զինուորացն՝ ազդ արա-
լին թագաւորին . Վեորգիոս՝ զոր դուն արկեր 'ի թո-
նիրն՝ ահա ուսուցանէ 'ի քաղաքս հրապարակաւ :
Յայնժամ զարմացեալ եւ թանասուն աթոռակալացն ,
և հրամայեցին յափշտակել զնա և ածել առաջի նո-
ցա : Եւ ասէ թագաւորն Տրիանկելիանոս . Վեորգիէ ,
ոչ գիտեմք եթէ նախախնամութեամբ՝ աստուածոց
մերոց աթոռքն 'ի ծառ փոխեցան . այլ են առ մեզ գե-
րեզմանք՝ կախուցեալք , և ոչ որ գիտէ 'ի մարդկանէ
զմուտ և զեղ նոցա . և արդ եթէ աղօթիւք քովք յա-
րիցեն ոսկերքն այնորիկ , հաւատասցուք յ[] աստուածն
քո : Իսկ սուրբն Վեորգէոս ասէ . Ոչ լուարուք սուրբ
աւետարանին որ ասէ . « Ընչն ասեմ ձեզ եթէ ունիցիք
հաւատս քան զհատ մանանխոյ և ասածիք լերինս այս
միկ՝ թէ փոխեաց աստի , փոխեսցի , և ոչ ինչ տկարաւ
ցի ձեզ . » . այլ երթ դու աթոռակալդ Տրիանկելիանոս ,
և թագաւորդ Եզիպտացւոց՝ , և բացէք զձեզունս՝
վերնատանն , և բերէք առ իս յոսկերաց մեռելոցն ,
ապա թէ ոչ գտանէք յոսկերացն՝ 'ի հողոյն բերիցէք՝
ինձ այսր : Եւ երթեալ թագաւորացն քերեցին 'ի հո-
ղոյն և զոսկերքն , և առեալ զհողն հանդերձ ոսկերօքն
բերին առ ոտս սրբոյն Վեորգեայ : Իսկ սուրբն Վեորդ
գէոս ծոնր եղեալ աղօթեաց առ Տէր Մատուած , և

1 Միւսն . հախախնամութեամբ Աստուծոց քո թէ աստուածոց
մերոց :

2 Միւսն . Գերեզմանս կոմածոյք :

3 Միւսն Եւ Մանգիէնիոս :

4 Միւսն . Ի բաց առեալ զձեզունս և այլն :

5 Միւսն . Չհողն քերեցէք և բերէք :

կատարեալ զաղօթանս եղև ամնախառն ' օղն , որպէս
Թէ ամենայն երկիր մթանալ , և ամենայն լերանց
շարժել . և փայլեաց փայլատակունն հրոյ 'ի տեղոջն
յայնմիկ , և յարեան 'ի հողոյն եւթն այր և կանայս
ինն և մանկունս երիս : Աւ տեսեալ զեղեալ սքան
չելինն զարմնցաւ յոյժ Թաղաւորն , և կոչեալ առ
ինքն զմի 'ի նոցանէ և ասէ . Օ ինչ անուն է քո .
և նա ասէ . Յորոնիոս ' կոչիմ : և Թաղաւորն ասէ .
Վրանի ամ ունիս յորմէ հետէ վախճանեցար . և
Յորոնիոս ասէ . Արկերիւր ամ ունիմ աւելի կամ պա-
կաս : Թաղաւորն ասէ . Վրիստոսն եկեալ էր յայն-
ժամն ' եթէ ոչ . Յորոնիոս ասէ . Աս զՎրիստոսէն
յայնմ ժամանակին ոչ լուայ . և Թաղաւորն ասէ . Մտ
զո՞վ պաշտէիր . և Յորոնիոս ասէ . Ս'ի հարկեր զիս ,
ամաչեմ ասել . և նա ասէ . Մտ . և ասէ . Պաշտէի ըզ-
կուռնն Մարդինի զկոյր և զխուլ և զանզգայ . և յոր-
ժամ ելի 'ի կենցաղոյս յայսմանէ՝ բնակեցայ 'ի խորա-
սոյղ տեղի , և էր 'ի վերայ իմ որդն անբուն , և հոսեր
'ի վերայ իմ գետ հրեղէն . իսկ որք ճանաչէին զՎրիս-
տոս , Թէպէտ և 'ի տեղի ' ինչ էին , այլ յառուր կիւ-
րակէի հանգիստ ունէին ' . իսկ մեք ոչ յառուր կիւրա-
կէի ունէաք հանգիստ՝ և ոչ յայլ օր : Մէ Թաղաւորն .
Օ առանցեալ ես , զի յառաջ քան զերկերիւր ամ
վախճանեցար . և Յորոնիոս ասէ . Ոչ եմ զառանցեալ ,
այլ զճմարիան խօսիմ . և ասէ . Նրազ ճմարտութեան
Վեորգէոս սուրբդ Մտուծոյ ողորմեաց մեզ , և սուր
մեզ զառ 'ի Վրիստոս զկեանն , և առաքեա զմեզ 'ի
դրախտն Մտուծոյ , և աղօթէ՛ վասն մեր , զի մի տես

1 Միւսն ատո Ադաիի գրէ :

2 Միւսն . Յորիոս :

3 Միւսն . Թէպէտ և 'ի մեղս ինչ էին :

4 Որպէս ամենայն տարագէպ հանգամանք պատմութեանս , նոյն
պէս ընդ անվաներականս է և այս օտարալուր վարդապետութիւն :

ցուք զվիշտն զայն յորում էաք : Իսկ սուրբն Վեորգէոս իբրև ետես զհաւատս առնն , եհար ոտամբն ' ըզվէմն երկրի , և բղխեաց ջուր բաղում յոյժ , և մկրրտեաց զնոսա յանուն հօր և Որդոյ և հոգւոյն սրբոյ , և ասէ ցնոսա . Խաղաղութեամբ գնացէք 'ի դրախտն Լստուծոյ . և վաղվաղակի աներևոյթ եղէն , և այլ ոչ որ ետես զնոսա : Իսկ Թագաւորն Վիտղէտիանոս տեսեալ զիրնն , ասէ . Վախարդ է , և զև գոյ 'ի նմա , և զևս էած առաջի մեր , և ասէ , Թէ 'ի մեռելոց յարուցի , բայց ես գիտեմ Թէ որպէս անարգեցից զազգն Վալիլեացոց . երթայք 'ի քաղաքդ , և խնդրեցէք տուն մի տառապելոյ ³ , և անդ բնակեցուցէք զգա 'ի Թնամննս Վալիլեացոց : Եւ առեալ այնուհետև զինուորացն տարան 'ի տուն մի այրոյ : Իսկ յորժամ դարձան , ասէ Վեորգէոս . Վեզ ասեմ , կին դու , սուր ինձ հաց և կերայց , զի քաղցեալ եմ . և կինն ասէ . Ոչ կայ հաց 'ի տան իմում : Սուրբն Վեորգէոս ասէ . Օհր աղանդ պաշտես . և կինն ասէ . Օ մեծ աստուածն Լստուդն : Սուրբն Վեորգէոս ասէ . Յիրաւի հաց չիք 'ի տան քում . և կինն ասէ . Երթայց առ դրացինս , և բերից հաց առնս եկելոյս առ իս : Եւ ելեալ կինն գնաց 'ի տանէ իւրմէ . և յարուցեալ սուրբն նստէր առ խարիսիս սեանն , և վաղվաղակի արմատաքաւ սիւնն , և արձակեաց շառաւիղս , և եղև ծառ մեծ յոյժ , և բարձրացաւ քան զտանիս տանն հնգետասան կանգուն , և ճեղանն իւր լի ամենայն բարութեամբ : Եւ իբրև դարձաւ կինն և ետես զսիւնն արմատացեալ և զճեղան լի ամենայն բարութեամբ , եկն անկաւ առաջի նորա լայլով , և ասէ . Լստուած քրիստոնէից , արա ողորմութիւն ազգի մարդկան : Իսկ սուրբն Վեորգէոս ասէ . Ոչ եմ Լստուած քրիստոնէից , այլ

1 Միւսն . Վազեաց 'ի դէմն :

2 Միւսն . Տառապեալ այրոյ :

ծառայ նոցա՝ իցեմ: Եւ այրին ասէ . Տէր իմ թէ
 գտից շնորհս առաջի քո, խօսեցայց ընդ քեզ, մի ար-
 համարհեր զաղախինս քո . ահա մանուկ իմ կոյր՝ ի
 տան իմում խուլ և անզգայ և անդամալոյծ, և է մա-
 նուկ ինն ամաց, և ամաչեմ ցուցանել զնա դրացեաց
 իմոց, եթէ աղօթիւք քո առողջացուցանես զնա՝ մա-
 նուկն իմ և ես հաւատամ յՄատուածն քո: Եւ
 սուրբն Վեորգէոս ասէ . Ը՞՞ զնա այսր . և երթեալ
 կնոջն եբեր զմանուկն իւր յերկրորդ վերնատանէն,
 և ետ զնա առ ոտս սրբոյն Վեորգայ: Իսկ սուրբն
 Վեորգէոս ասէ ցմանուկն . Վեզ ասեմ մանուկ դու,
 յարուցէ զքեզ տէր Յիսուս Վրիստոս . և փչեաց
 յերեսն, և անկաւ յաչաց նորա իբրև կեղևանք, և
 ասէ . Լուիցէ քեզ ականջօք իւրովք . և ապա ասէ
 սուրբն Վեորգէոս ցկինն . Շատ է՞ քեզ այդ, մինչև
 ցվայր մի կացցէ այդպէս, պահեա ինձ զդա, և լուիցէ
 ինձ, և ոտիւք իւրովք զնսացէ, և սպասաւորեսցէ ինձ
 բանիւք: Եւ ոչ հարցանել՝ այնուհետև որ իշխէր ինչ,
 քանզի տեսանէին զերեսս նորա իբրև զերեսս հրեշ-
 տակի: Եւ տեսեալ թաղաւորին Վիոկղէտիանոսի
 զծառն բարձրացեալ քան զտանիս տանն հնգետասան
 կանգուն, զարմնցաւ յոյժ, և ասէ ցապասաւորսն .
 Պատմեցէք ինձ, զինչ է այս . և նորա ասեն՝ . Սա-
 խարդ է, և խորհրդակից է Վալիլեացոց: Եւ հրա-
 մայեաց յափշտակել և բերել առաջի իւր, և հարկա-
 նել զնա արջառաջօք, մինչև պատառեալ ամենայն
 մարմինն նորա . և հրամայեաց կախել և բերել մինչև

1 Միւսն . Առաքեալ եմ քրիստոնէից:

2 Միւսն . Ասէ կինն . Լուիցէ ականջօք իւրովք և զնսացէ
 ոտիւքն: Սուրբն ասէ առ կինն . Շատ են:

3 Միւսն . Ոչ իշխեաց կինն . . քանզի տեսանէր:

4 Միւսն . Նորա ասեն . խորհրդակիցն Վալիլեացոց անդ բնա-
 կեալ է:

որովայն նորա հեղաւ . և հրամայեաց մերձեցուցանել
'ի նա կանթեղս հրոյ մինչև այրեցան անդամք նորա , և
այնպէս վախճանեցաւ : Եւ տեսեալ թագաւորին եթէ
մեռաւ , և ասէ ցզորականն իւր . Ընէք զտկերսդ դո-
րա , և տարէք 'ի լեառն մի բարձր , զի թռչունք կերի-
ցեն զմարմին գորա : Եւ առեալ զօրականացն հանին
'ի լեառն մի բարձր , որ կոչէր Եղբիայ ' , և դարձան առ
թագաւորն : Իսկ տէրն իջեալ յարոց զուրբն ասե-
լով . Ըրի 'ի քնոյ քումմէ . և նորա յարուցեալ փու-
թայր հասանել զօրականացն՝ ասելով . Ընացէք ինձ , զի
և ես եկից առ թագաւորն : Զայնժամ տեսեալ զօրակա-
նացն եթէ կենդանացաւ Վէորգէոս , անկան 'ի վերայ
երեսաց իւրեանց , աղաղակէին ասելով . Սուրբք Վէոր-
գէէ ողորմեաց անձանց մերոց , և տուր մեզ զառ 'ի
Վրիստոս կեանն : Իսկ սուրբն Վէորգէոս առեալ ջուր
մկրտեաց զնոսա յանուն Հօր և Որդւոյ և սուրբ Հո-
գոյն : Եւ ժողովեաց թագաւորն զամենայն զինուորսն
առաջի բեմին . և իբրև եկին՝ աղաղակեցին ամենեքեան
եթէ Վրիստոնեայք եմք . և տեսեալ թագաւորին
'Վիոկղէտիանոսի զզարմանն հրամայեաց զՎիւղիկինն¹
կախել զլիսիւայր , իսկ զՎաթինէ և զԼ՝ ազգիէն սրով
սպանանել , իսկ զԼիւղիկինն հրամայեաց դարձեալ զա-
զանաց ձգել , և զսուրբ վրայն Մատթոյ հրամայեաց 'ի
բանդ արկանել , մինչև խորհեցի թէ որով մահուամբ
կորուցէ զնա : Եւ 'ի վաղիւ անդր Վիոկղէտիանոս
թագաւորն նստեալ 'ի վերայ բեմին , և հրամայեաց
ածել առաջի իւր զսուրբն Վէորգէոս , և ասէ . Եր-
դուեալ եմ 'ի ճառագայթս՝ արեգականն , և եւթա-
նասուն թագակիցք և աստուածք չնորհս պարգևեցին

1 Միւսն . Վիգրիա :

2 Միւսն . զՎիւղիկինն . . զՎաղասէն և զՄասիադէն :

3 Միւսն . Երդուեալ տէրամբ արեգականն , եօթանասուն թա-
գաւորքն և աստուածովն և մեծուրհեան Արտեմեայ :

Ըրտեմեաւ , եթէ լուիցես ձայնի իմում ոչ սակաւ ինչս
 շնորհեցից քեզ . այսուհետեւ ընդ իս իցես յարքունիսն
 իմ , և միայն զոհես աստուածոցն իմոց Լպողոնի , և ըզ-
 հետ վախճանի իմում՝ նստիցիս յաթուռ իմ պատուա-
 կան թագաւորութեանս , և ունիցիս մեծ պատիւ յի-
 նէն : Իսկ սուրբն Վեորգէոս ասէ . Օպս բանս յա-
 ռաջնումն ոչ ասացեր ինձ որպէս զի հաւանեցուցանելի
 զիս . այլ ահա եւթն ամ ունիմ՝ի քէն չարչարել , և
 երիցս անգամ կատարեցայ ՚ի քէն , և ոչ լուայ այս-
 պիսի բանս ՚ի քէն . ոչ գիտես թագաւոր եթէ ազգք
 քրիստոնէից դժուարամահք են , և է երբէք զի ու-
 նիմ առնուլ վրէժս ՚ի թշնամեաց իմոց յայցանէ :
 Եւ Վիտիղեաթիանոս ասէ . Սի մեղադիր լինիր ինձ ,
 այլ գիտացիր զի յետ իմ թագաւորելոց ես դու . և
 սուրբն Վեորգէոս ասէ . Հաւանեցուցեր զիս զոհել
 աստուածոց քոց . այլ վասն զի երեկոյ է , հրամայեա
 պնտել ՚ի կոճեղ զիս , և առաւօտոն երթամ զոհեմ
 Լպողոնի : Իսկ թագաւորն ասէ . Սի լիցի ինձ որդեակ
 զայդ առնել , այլ առաւել թողութիւն շնորհեա ինձ
 վասն առաջին տանջանացն , և մուտ ՚ի ներքսագոյն ար-
 քունիսն հանգիր . և ընթացեալ զի համբուրեսցէ ըզ-
 զլուս սրբոյն : Իսկ սուրբն Վեորգէոս ոչ հաւանեցաւ ,
 ասէ . Ոչ պարտ Վալիլեացոց համբոյր ընդունել ՚ի
 ձէնջ , եթէ ոչ նախ մատուցեալ զոհեսցէ աստուածոց
 ձերոց : Յայնժամ թագաւորն հրամայեաց տանել զնա
 ՚ի ներքսագոյն արքունիսն : Իսկ սուրբն Վեորգէոս
 մտեալ սաղմոսէր ասելով . « Սվէ Լստուած մեծ որպէս
 զԼստուած մեր , դու ես Լստուած՝ որ առնես զսքանչելիս
 միայն » . և դարձեալ . « Ինդէր խուլեցան հեթանոսք
 և ժողովուրդք խորհեցան ՚ի սնոտիս . յանդիման եղէն
 թագաւորք երկրի և իշխանք վասն տեառն և վասն
 օծելոյ նորա » : Եւ յաղօթել նորա՝ այսպէս սաղմոսէր
 մինչև վճարել զաղօթան . և յետ այսորիկ ասէ ցնա
 թագուհին Լղեքսանդրիա . Տէր Վեորգէ , զինչ է

որ ժողովեցան, և կամ ո՞վ է որ խռովեցան 'ի մնտիս, կամ ո՞վ է օծեալն. պատմեա ինձ տէր, քանզի հեշտաբար լեմբեզ : Յայնժամ բացեալ զբերան իւր սուրբն Վեորգէոս ասելով . Յորժամ արար Մատուած զերկինս և զերկիր, հող էառ յերկրէ և ետտեղծ զմարդն՝ փութացեալ կենդանոյն Մատուծոյ, վասն որոյ երկինք ձգեցան, և երկիրս հիմնեցաւ, արեգակն փայլեաց և երկիրս նորոգեցաւ, և լուսին պայծառացաւ, և տարեք կերպարանեցան : Բայց ինձ զայս ասա, ով թագուհի՛, յաղագս որդւոյն Մատուծոյ, թէ զիարդ մարդ եղև : Մէ ցուրբն թագուհին . Տէր իմ ասա դու ինձ թէ զիարդ եկն Վրիստոս յերկնից : Սուրբն Վեորգէոս ասէ . Ս ասն զի յամենայն երկիր դէք երկրպագէին, և Մատուած թնամանեալ լինէր : Եւ թագուհին ասէ . Մպա աստուածքն մեր ուրեմն դէք են : Սուրբն Վեորգէոս ասէ . Ըյո դէք են : Թագուհին ասէ . Տէր իմ, ապա Վրիստոս զիարդ եղև մարդ : Սուրբն Վեորգէոս ասէ . Եւր թագուհի ասելոյն . “Որ նստիս 'ի վերայ քերովբէից, յայտնեա զզօրութիւնս քո, և եկ 'ի կեցուցանել զմեզ ., . այսպէս մարգարեացաւ հոգին սուրբ և ասաց զՎրիստոս : Վարձեալ ասէ . “Ելցի որպէս զանձրև 'ի վերայ զեղման, որպէս ցօղ զի ցօղէ յերկիր ., . և գեղմ զՎարիամ ասէ : Եւ մարգարէն Մբակում ասէ . “Տէր զլուր քո լուայ և երկեայ, տէր նայեցայ 'ի գործս քո և զարհուրեցայ ., . Թագուհին ասէ . Օրնչ լուաւ Մբակում, և զարհուրեցաւ : Մէ ցնա սուրբն Վեորգէոս, Պատրաստաբար ասաց մարգարէն զի լուաւ եթէ քայ Վրիստոս, և երկեաւ . իմացաւ և ետես զնա եթէ ընդ մարդկան շրջելոց էր, և զարհուրեցաւ : Մէ թագուհին . Ղշմարտապէս տէր իմ բարեք ասես, և հեշտաբար լեմբեզ, այլ աղօթեա վասն իմ, և փախիցէ յինէն մոլո

1 Միւսն . Բայց ինձ զայս ասելով թագուհին :

րութիւն կոտցն : Լսէ սուրբն Վեորդէոս . Հաւատա՛րի
խաչելէալն Վրիստոս Լստուած , և ոչ տիրեսցեն քեզ
մորորութիւնք կոտցն : Թագուհին ասէ . Հաւատամ
տէր , այլ՛ի թագաւորէն երկնչիմ , զի պեղծ է և մար-
դակեր . Բայց սակայն կալցես առ քեզ զխորհուրդս
իմ , մինչև հասից քեզ ՚ի գաւիթս Տեառն քո . և հրաւ
մայեա ինձ սակաւիկ մի ննջել , և հրամայեաց նմա :
Լսւ ինքն ծուր կրկնեալ աղօթէր մինչև ցառաւօտն :

Լսւ առաւօտուն հրամայեաց թագաւորն երթալ՛ի
տաճարն Լսողոնի : Լսւ ասէ ցնա սուրբն Վեորդէոս .
Լուր թագաւոր . առաջի թագաւորութեանդ քո մեծ
քննութիւն պարտ է լինել՝ . նիստ դու յարքունիսդ , և
ես հանդերձ քրմնպետօք երթիցուք ՚ի տաճար կոտցն ,
և զօհեցից նոցա : Լսւ քարոզքն աղաղակէին զօրու-
թեամբ , և ասէին . Եղալեալ մարդիկ ընթացարուք .
ահա խորհրդակից գալիլէացոյն Յիսուսի՝ մերձենայ
զօհել մեծին Լսողոնի : Լսւ լուաւ այրին՝ որոյ որդին
լուսաւորեցաւ զաղաղակ քարոզին , արձակեալ զհերս՝
իւր , և առեալ զորդին իւր կացոյց առաջի բազմու-
թեանն , և ասէ . Վեորդէէ , որ զմեռեալսն յարու-
ցեր և կուրաց շնորհեցեր տեսանել , որ զչոր փայտս
ցամաքեալս պտղաբերս ցուցեր և զիւն տան իմոյ ար-
մատացուցեր , որ բիւր ուղղութիւնս արարեր ընդդէմ
սատանայի , արդ մերձենաս զօհել Լսողոնի : Ելիծա-
ղեցաւ սուրբն Վեորդէոս , և ասէ . Ի բաց արձակէ
զմանուկդ ՚ի գրկաց քոց : Լսւ ձայնեալ սուրբն մանկանն
ասէ . Սքանուկ դու եկ յանուն Յիսուսի Վրիստոսի՝
որ լուսաւորեաց զխաւարն ՚ի քէն , և սպասաւորեա
ինձ բանիւք : Լսւ վազեաց ՚ի գրկացն մանուկն , և եկն
առ վկայն Վրիստոսի , և համբուրեաց զոտս նորա :

1 Միւսն . Առաջի իմոյ թագաւորին քննութիւն լինի . որչափ ևս
առաւել այսչափեաց աւելագոյն ևս պարտ է լինել :

2 Միւսն . Զոտս իւր :

Եւ ասէ ցնա սուրբն Վեորգէոս . Վեզ ասեմ մանուկ ,
 մուտ 'ի տաճարն Մարտիրոսի , և ասա ընդ դէսն ' եթէ
 եղէք արտաքս , քանզի կուէ զձեզ սուրբն Վեորգէոս :
 Իսկ հոգին պիղծ՝ որ 'ի նմա կայր՝ աղաղակեաց ասե-
 լով . Ո՛վ Յիսուս՝ Կազուլրեցի , զամենեսեանն 'ի քեզ
 կորզելով ձգեցեր յինէն , և փայտ քո կանգնեցաւ ընդ-
 դէմ մեր : Եւ ելեալ դեն փութապէս զհետ ման-
 կանն , և եկն առաջի սրբոյն Վեորգէոսի : Ըսէ ցնա
 սուրբն Վեորգէոս . Վո՛ւ ես աստուած հեթանոսաց :
 Հոգին պիղծ ասէ . Ո՛չ ճանաչես զիս Վեորգիէ , սա-
 կաւիկ մի մնա ինձ և ես պատմեցից քեզ : Ըսէ սուրբն .
 Խօսեաց : Ըսէ դեն . Յորժամ կախեաց Մատուած
 զերկինս և հիմնեցոյց զերկիր , տնկեաց զբախտն ,
 խորհեցաւ Մատուած և ասէ . Ըրասցուք մարդ ըստ
 պատկերի մերում և ըստ նմանութեան . էջ՝ի դրախտն ,
 և առեալ հող յերկրէ ստեղծ զմարդն , և ասէ ցմեզ
 ցհրեշտակս . Երկիր պագէք գործոց ձեռաց իմոց . և
 վազվազակի եկն Սիբայէլ գնդաւ իւրով և երկիր
 եպագ . իսկ ես ընդդիմաբանեցի առ արդար դատաւորն
 ասելով , զի նախ ես ստեղծայ , և արդ երկիր պագա-
 նեմ նուաստագունին քան զիս . ո՛չ արարից զայդ :
 Յայնժամ բարկացեալ Մատուած արտաքսեցոյց զիս 'ի
 փառաց իմոց , և վայրաբերեալ եղէ իբրև զարծուի
 'ի վերայ վիմի , և խորասոյզ եղէ . և նստիմ այժմ 'ի
 վերայ կռոցս այսոցիկ , և գործեմ զայս ինչ . ելանեմ
 մինչև յերկինս , և դնեմ զունին իմ , և լեմ զլճիուն՝
 որ ելանէ 'ի վերայ մարդոյն , և յառաջեմ նեղեմ
 զնա . և բազում անգամ երթամ յեկեղեցի Մատու-
 ծոյ , և զունին իմ դնեմ առաջի դրան տաճարին Մա-
 տուծոյ . և յորժամ քահանայն որոշէ զոք յեկեղե-
 ցոյն՝ առնում զնա առ իս , և եթէ կամեսցէ չընդու-
 նել զնա , զայն ինձ համարիմ . և այլ ինչ բազում

գայթակղութիւն առնեմ: Ըսէ ցնա սուրբն Վեորգէոս . (Թշուառական այս պիղծ , գրեզ դու ինքն որու շեցեր քոյին կամաւորութեամբդ . ընդէր զանձինս քրիստոնէից կորուսանես : Իսկ հոգին պիղծ ասէ . Լորդուեալ եմ 'ի յիւթն հաստատութիւն երկնից , ութ և տանն թերթիւք և վարսիւք արեգակամբն և եղջերիւք լուսնի , որ եթէ ունէի իշխանութիւն՝ գքո անձդ կորուսանէի : Ըսէ ցնա սուրբն Վեորգէոս . (Թշուառական , և ինձ պարսպեցեր . բնկալ դու զպատուհասն քո : Եւ եհար սուրբն ոտամբն զերկիր , և ըն կրղվեցաւ թզին պիղծ 'ի սանդարամետոս դժոխոց մինչև 'ի վայր , և կնքեաց սուրբն զտեղին . և եմուտ սուրբն 'ի տաճարն Լպողնի , և ասէ . Վախերուք աստուածք հեթանոսաց , զի բարկութեամբ եկի առ ձեզ : Եւ տեսեալ քրմացն զկորուստ աստուածոցն իւրեանց , ասէ ցնա թագաւորն Վիտղիտիանոս . Երէկ ոչ յանձն աւեր առաջի իմ զոհել աստուածոցն իմոց . արդ ընդէր փոխանակ զոհելոյ նոցա և կնդրուկ մատուցանելոյ՝ զայդ արարեր նոցա . ոչ գիտես եթէ արիւն քո ընդ հզօր ձեռամբ իմով է : Ըսէ սուրբն Վեորգէոս . Եւ զոր ինչ աստուածոցն քո զոհելոյ էր՝ զոհեցի . և եթէ ոչ հաւատաս ինձ , ու թագաւոր , երթ ած ինձ զԼպողն , և քո առաջի զոհեցից նմա : Ըսէ ցնա թագաւորն . Եւ այ 'ի քրմացն , ու չարագործ չարագլուխ , եթէ 'ի տարտարոսս դժոխոց առաքեցեր զնոսա , և զիս կամիս խորատոյզ առնել : Իսկ սուրբն Վեորգէոս ասէ . (Թշուառական , եթէ իւրեանց ոչ կարացին օգնել այժմ աստուածքն քո , իսկ յորժամ եկեսցէ տէրն 'ի մեծի և յահագին աւուրն փոփոխել զերկինս և զերկիր , զինչ գործիցեն աստուածքն քո :

Յայնժամ թագաւորն պատառեաց զժիրանիսն իւր , և եմուտ 'ի ներքսագոյն արքունիսն , ուր թագուհին ընկասանդրիա էր , և ասէ . Չանձրացեալ եմ Վալիւլեացոց ազգաւդ : Ըսէ թագուհին . Ոչ ասացի քեզ 'ի

բաց կաց յազգէն քրիստոնէից , քանզի մեծ է Մտուած նոցա , որ և զբեզ ունի լուծանել յամոլարշտու թենեղ քումմէ : Մէ ցնա թագաւորն . Ղլեկասանդրիա , և 'ի քեզ հասին մոլոթիւնք քրիստոնէիցն : Այլեալ զձեռանէ նորա եհան արտաքս , և պատմեաց ամենեցուն զոր ասաց նմա Ղլեկասանդրիա թագուհին , և հրամայեաց զհերաց նորա կախել և բերել : Իսկ նա 'ի շարչարեւն ոչ խօսէր , այլ զպսն յերկինս ունելով աղօթէր : Մէ ցնա սուրբն Վեորգէոս . Փոքր ինչ համբերեա Ղլեկասանդրիա , և առնուս զպսակն 'ի Վրիստոսէ Մստուծոյ :

Եւ հրամայեաց զնա իջուցանել . և բերեալ մամուլս մեծ և բացեալ զբերանն նորա , և եղեալ ուր ' ստինս նորա և զխամձեծքան պնդեցին ուժգին մամուլքն : Եւ համբերեալ սրբոյն քաջութեամբ բառնալով զցաւան , և հայեցեալ 'ի սուրբն Վեորգէոս , ասէ . Օ ինչ գործեցից սուրբ Մստուծոյ , զի ոչ ևս ընկալեալ եմ մկրրտութիւն . ահաւասիկ պակասեմ , զիսորդ բացցէ ինձ դոնապանն զբուռնն արքայութեանն : Մէ սուրբն Վեորգէոս . Վնա ուրախութեամբ , քանզի ունիս կնիք 'ի ձեռն արեանդ : Եւ նստեալ թագաւորն Վիտիղիտիանոս յատենի , գրեաց վճիռ 'ի վերայ նորա : Իսկ նորա առեալ զվճիռն , ասէ ցնոսա որ ունէին զնա . համբերեցէք վայր մի՝ զի և ես հայեցայց 'ի վերնաւ տուն արքունեացն . աղաղակեաց և ասէ . Տէր Յիսուս Վրիստոս մի փակեր զդուռն դրախտին քո ընդդէմ իմ , այլ բաց ինձ զնա : Եւ հանեալ զսրբուհին Ղլեկասանդրիա արտաքոյ քաղաքին , և կատարեցաւ սրով յապրիլի 'ի քսան ² , յաւուր շաբաթու յերրորդ ժամու , և եհաս խաղաղութեամբ յարքայութիւն դրախտին Մստուծոյ բարեխօսելով վանն մեր :

1 Միւսն . Բերել մամուլս մեծ , և բացեալ զբերանն՝ եդ զստինսն :

2 Միւսն . Յամսեանն ապրիլէ ժէ :

Իսկ Թագաւորն կոչեալ զսուրբն Վեորդէոս , և ասէ . Վեորդիէ , ահա զԹագուհին կորուսեր , և արդ վասն մեր պարապեա : Ըսէ ոմն 'ի Թագաւորացն . հանցուք վճիռ 'ի վերայ դորա : Եւ նստեալ Թագաւորն Վիտղիտիանոս գրեաց վճիռ մահու , ասելով . Վեորդէոս՝ որ 'ի Վալիլեացոց՝ ոչ կամեցաւ կուցն զոհել , վասն այնորիկ հրամայեմք 'ի սուր մատնել . գիտացէք այսուհետեւ ամենայն ժողովորդք զի անպարտ եմ ես յարեմէ դորա : Եւ առեալ ջուր լուաց զձեռն իւր : Եւ գրեաց Թագաւորն Իգնատիոս , և Թագաւորն հրանգէլիանոս , և Թագաւորն Եգիպտացոց , և այլք 'ի Թագաւորացն :

Իսկ սուրբն Վեորդէոս առեալ զվճիռ մահուն փուլ Թայր երթալ յասպարէզն . և յորժամ ել յարբունեացն , ել 'ի դուռն երկաթի՝ որ մուծանէր 'ի քաղաքն . և յորժամ զմի ոտնն 'ի դուրսն ունէր և զմիւսն 'ի ներքս , ասէ ցջօրականսն որ տանէին զնա . Եղբարք , անսայցէք ինձ փոքր մի , քանզի ահա եւթն ամ ունիմ չարչարել 'ի Թագաւորացս յայցանէ . Թոյլ տուք զի աղօթք իմ շնորհեցից նոցա : Եւ ասէ . Տէր Ըստուած , որ առաքեցեր զհօրն զայն 'ի ձեռն Եգիպի մարգարէին , և եկեր զհարիւր զօրականսն և զերկու յիւնապետսն , իջցէ հօր , և կերիցէ զիւթանասուն Թագաւորսն և մի մնացէ 'ի նոցանէ : Եւ նոյնժամայն անկաւ հօր յերկնից 'ի Տեառնէ , և եկեր զԹագաւորսն և զբազումն 'ի նոցանէ 'ի հեթանոսացն :

Եւ յորժամ եկին 'ի նշանաւոր տեղիս , ասէ սուրբն Վեորդէոս ցունտոյն իւր . Սնացէք ինձ փոքր մի , զի 'ի Թագաւորացն չարչարեալ եմ վասն անուանն Ըստուծոյ , մնացէք ինձ զի Թողից ազգաց մնացելոց զաղօթս , զի

1 Միւսն . զՎեորդէոս զՎալիլեացոց մարտակուին :


2 Միւսն չունի ոչ զինդրուածսն և ոչ զպատմութիւն հրակէզ կորստեանս , համառօտէ և զհետաքոյս :

տեսանեմ զայս բազմութիւնս , մի գուցէ մարմին իմոյ
բաւէ աշխարհիս . և հայեցեալ յերկինս սուրբն Վեոր
գէոս , ասէ . Տէր Մտուած որ զպատկերն ոսկի փշրեցեր ,
և զանզգամ թագաւորն 'ի մարդկանէ հալածեցեր , և
ընդ զազանս զբաժին նորա եղիր մինչև եւթն ժամանակ
փոխեցաւ 'ի վերայ նորա , և յորժամ ծանեաւ եթէ գու
ես Մտուած երկնի և երկրի և ամենայն արարածոց .
հայեցեալ վաղվաղակի 'ի խոնարհութիւն ծառայից քոց
տուր ինձ զխնդրուածս իմ , քանզի բազումք սպասեալ
կան առնուլ 'ի մարմնոյ իմոյ շնորհս յերկրի , զի ամե
նայն մարդ որ եղիցի 'ի քուն զարհուրանաց և յիշես
ցէ զանուն իմ՝ եղիցի նմա բարի . Տէր տուր մարմնոյ և
անուան իմոյ շնորհս , զի եթէ որ ըմբռնեսցի յահա
զին դատաստան և յիշեսցէ զանուն իմ , ելցէ առանց
դատապարտութեան յամենայն վտանգէ : Տէր Մ
տուած , տուր մարմնոյ և անուան իմոյ շնորհս , զի եթէ
որ ըմբռնեսցի յորոգայթ ինչ , և յիշեսցէ զոր մահու
կատարման իմոյ , մի լիցի նմա չար : Եւ յորժամ դա
դարեաց յաղթեւոյ , ահա Տէրն եհաս առ նա , և ասէ .
Եւ ծառայ իմ սիրելի , և ամբարձիր 'ի բարձրութիւն
հօր քո , ուր տուրք պատուականք են , և պակք ան
թառամք , և կեանք երկնային : Զանձն իմ երդնում
զի ամենայն որ արժանաւորի մարմնոյ քո՝ ապրեսցի .
զիտեմ զի ամենայն մարմին և արիւն , այսինքն ամե
նայն մարդ որ լինիցի 'ի վտանգի , 'ի դատաստանի , 'ի
գետ , կամ 'ի ծով , և յիշեսցէ զանուն հօր և Որդւոյ
և հօգւոյն սրբոյ և զանուն սրբոյն Վեորգեայ , փրկես
ցի մարդն այն յամենայն վտանգէ :

Եւ յորժամ դադարեաց Տէրն 'ի խօսելոյ , վերացաւ
'ի նմանէ յերկինս , տալով նմա զամենայն խնդրուածս
նորա . և ասէ ցգլխատողն . Եւ այք կատարեցէք ըզ
հրամայեալն ձեզ : Եւ մատուցեալ յառաջ՝ հատին
զգլուխ բարեյաղթ վկային Վրիստոսի . և ելեալ ջուր
և արիւն 'ի պարանոցէ նորա . և եղև շարժումն մեծ ,

և փայլատակունք և անձրեաց բազմութիւնք՝ որպէս
զի ոչ կարէին տեսանել մերձակայ ժողովուրդն . և
եղև ահ մեծ ՚ի վերայ նոցա , և բազումք հաւատացին
՚ի Տէր :

Կատարեցաւ սուրբ վկայն Վրիստոսի Վեորդէոս
՚ի Վրիստոս Յիսուս ՚ի Տէր մեր յապրիլի ամսոյ ինչ .
և է մեղ բարեխօս և օգնական ամենայն հաւատա-
ցեղոյ Վրիստոսի Մտուծոյ մերոյ , որում վայելէ փառք
պատիւ այժմ և միշտ և յաւիտեանս , ամէն :




Մ Ե Ծ Ե Ի Փ Ա Ռ Ա Ի Ո Ր Ե Ա Լ

Զ Օ Ր Ը Վ Ը Բ Ի Ն

Գ Լ Ո Ր Գ Լ Յ Վ Կ Ը Յ Ի Ն

Զ Ո Ր Ե Տ Ե Մ Ի Լ Ե Ր Ռ Ն Ա Ղ Ա Ն Ո Յ



Լ՛մբարձէք զայս մտաց ձերոց և տեսէք նոր սքանչելիս զոր եղէն յաւուրս մեր, և ՚ի միտ առէք զՄտուծոյ մնարդասիրութիւն, և փառս տացուք անուան նորա: Եկայք ամենեքեան ոյք երկնչիք յՄտուծոյ և պատմեսցուք ձեզ: Եւ արուք զտոսկալի խորհուրդս և զահագին իրս զամենայնափառս մեծ վկային Վէորգայ, զոր ինչ է տեսիլն զյայտնեցեալն նմա, զփառս և ըզնչանան. քանզի պահեալ էր նմա զաւուրս քառասուն. և սկսաւ աղայանօք խնդրել յՄտուծոյ աղօթելով այսպէս. «Մտկիղբն և անտեսանելի կենդանասկզբնական Մտուած ամենակալ, որ ոչ սկիզբն ունելով և ոչ կատարած. որ վասն մեր անչափ մնարդասիրութեան քո երևեցար ծառային քում՝ Սոլսէսի ՚ի լերին Սինեայ, նայեա և յիս ՚ի ծառայս քո, և եթէ իցեմ արժանի արքայութեանդ քո, յայտնեա զքեզ ինձ ինք

նին ամենայն զօրօք քո, զի ծանեայ եթէ դու միայն
ես Մտուած 'ի վերայ ամենայն տիեզերաց . . :

Օ այս աղօթելով սրբոյն Վերդայ, զքառասուն օր
անուազ պահելով, ոչ անտես արար զնա յաւիտեաւ
կան թագաւորն, և ոչ արհամարհեաց զինդրուածս
նորա, այլ զթացաւ 'ի նա : Իսկ 'ի լրման քառաս
ներորդ աւուրն 'ի տեսեան գիշերոյ եին հրեշտակն
Մտուծոյ, և ասէ ց'Վերդիէ . “ Եւ ի եղէն աղօթք
քո, և ասա կատարեսցին ինդրուածք քո . կանխես
առ իս ընդ առաւօտն 'ի լեառն Ղղանոյ, և տեսցես զօր
հայցեցեր, զի ծանիցես զի ես ընդ քեզ եմ . ” : Իսկ ես
լուայ զայտոսիկ 'ի հրեշտակէն, եւ ըստ բանի նորա 'ի
լեառն Ղղանոյ սաղմոսելով զբանս Վաւթի . “ Օ Զա
նապարհս իմ ուղիղ արա ինձ Տէր ըստ բանի քում, և
մի տիրեսցեն ինձ ամենայն մեղք իմ . ” : Օ այս ատ
ցեալ իմ, և առաւել քան զսոյնս, և ասա ելեալ յա
րևելից փայլակն՝ հրոյ նման, և եին մերձ իմ . և իմ
զահի հարեալ նկատել՝ հայեցայ եթէ ուստի իցէ հօրս
այս : Եւ տեսանէի ասա անիւք չորք 'ի նմանութիւն
ոսկոյ, և բազում ժողովրդոյ գեր 'ի վերոյ անուոցն,
գային բազմութիւնք և պաշտէին, Քառք 'ի բարձունս
Մտուծոյ և յերկիր խաղաղութիւն և 'ի մարդիկ
հաճութիւն . և եկին մերձ իմ, և վաղվաղակի դա
դարեցին : Եւ իմ մտախորհ եղեալ յերկիւղէն եթէ
զինչ իցէ այս, և ասա լուայ ձայն որոտման սաստիկ
բունութեամբ յարևմտից . և իմ յահէ պշուցեալ հայե
ցայ դէմ ընդ յարևմուտս, և եթէ զինչ իցէ ձայնն
այն : Եւ տեսի վեց անիւս նման անուոց առաջնոցն, և
բազմութիւն ժողովրդոցն 'ի վերայ նոցա անվայելուչս և
անձևս, ոսկեզգեացս ոսկեգոյնս, և պաշտէին զնա նոքա,
Սուրբ Մտուած սուրբ և հզօր, սուրբ և աննահ . եկին
և նոքա զհետ այլոցն : Եւ յանկարծակի եին ձայն 'ի
հիւսիսոյ . նկատեալ տեսանեմ երկոտասան անիւս 'ի
նմանութիւն այլոցն և բազմութիւնք ժողովրդոց 'ի

վերայ նոցա . և ձայնս արհաւիրեալսն , և սաղմոս երգութիւնս նոցա գեր 'ի վերոյ է քան զմիտս և ըզխորհուրդս և զհոգիս , քանզի ոչ զիտէի թէ զինչ խօսէին : Եւ իմ զարմանեալ եղեալ վասն այնոցիկ , նայեցայ ընդ հարաւ . և արհաւիրեալսն զայն բռնութեամբ , և բազմութիւնք ժողովրդոց 'ի վերայ նոցա , և նորա պաշտէին , “ Սիայն սուրբ միայն Տէր Յիսուս Վրիստոս որ գալոց էս ” :

Ով լուաւ յաւիտենից այսպիսի զարմանազան սքան չելէք , կամ ո՞վ ետես այսպիսի փառս 'ի մարդկանէ : Օ խնորհ գովասանեցից զմե՛ծ մարտիրոսդ Վէորգիէ , հնո՞վն եթէ նորովս : Եւսայիաս մե՛ծն 'ի մարգարէս ունելեօքն ինքնին 'ի շրթունս իւր զաստուածային կայծակն ընկալաւ : Իսկ դու ո՞վ ամէնէրջանիկդ Վէորգիէ բողոքովին զօրացար 'ի հոգւոյն սրբոյ : Վանիէլ զարձեալ առ գեսսս Վորար , ետես աթոռ և հինաուուրցն 'ի վերայ նորա նստեալ , և հազարք հազարաց պաշտէին զնա : Իսկ դու , ամենափառքդ Վէորգիէ , ոչ միայն ըզհազարս հազարաց տեսեր , այլ զբիւրս բիւրոց և զթագաւորն փառաց հանդերձ երկնաւոր զօրօքն զէմ՝ յանդիման , և զկենդանական անարատ ձայն նորա լուար , և հոգւոյն սրբոյ տեսարանս եղեր : Ի՞նչ գովեցից զքեզ մե՛ծ մարտիրոսդ Վէորգիէ . առաքեալն՝ Տարսնացի փողն Պօղոս , ընտրեալ անօթն յԵստուծոյ , զի զնա յափրջտակեաց 'ի դրախտն , և լուեալ զբանս անձառս որ և ոչ ինչ զօրեաց պատմել : Իսկ դու , ո՞վ երջանիկդ Վէորգիէ , զարհաւիրեալսն տեսեր զերկնաւորացն , և հայեցար 'ի զօրս և զփառան նորա կատմեցեր : Ի՞նչ գովեցից զքեզ մե՛ծ վկայդ Վրիստոսի Վէորգիէ , եթէ ոչ նախապէս սուրբն Ստեփանոս որ քարկտոողին իւրոյ հայցեր զթողութիւն , Տեառն իւրում նմանեալն , նա յաւանդել զհոգին ետես զերկինս բացեալ և զՈրդին Եստուծոյ կացեալ ընդ աջմէ՛ հօր : Իսկ դու , ո՞վ Վէորգիէ , ոչ միայն զՈրդին Եստուծոյ , այլ զհօր և զհոգին սուրբ :

Որպէս գովեցից զքեզ մեծ զօրական . ոչ ևս գտա-
նեմ գովութեան արժանաւորս գովել զբազմնաւորչար
նաճատակդ , զճանապարհորդ առաքինադործդ վկայ-
իցդ , ընտրեալդ ՂԿտուծոյ խօսակից եղեր Վրիս-
տոսի և քաղաքացի հրեշտակաց , որ և զրեցար յան-
մահական գիրսն և առեր իշխանութիւն կապել և ար-
ձակել :

Եւ եկն անարատ և կենդանակզբնական ձայնս
ՂԿտուծոյ որ ասէր ցիս . “ Եւն որ իզեաց զկապանս
մահու և մթացուցանէր զբանասարկուն , և զՂԿամ
վերստին նորոգէր , ասէ ցիս . Վեորգիէ , ահա իջի
յերկնից վասն քո և կատարեցի զինդրուածս քո , բայց
զերեսս իմ ոչ կարես տեսանել . քանզի ՚ի մարդկանէ
ոչ զք ետես զերեսս իմ և կարիցէ ասրել : Եւ եղիցի
այս քեզ նշան , ծածկեսցէ զքեզ աջ իմ և եղից զոգի
իմ ՚ի վերայ քո , և եղիցիս առաջի թագաւորութեանս
իմոյ , և զոր կապեսցես յերկրի՝ եղիցի կապեալ յեր-
կինս , և զոր արձակես ՚ի յերկրի՝ եղիցի արձակեալ
յերկինս . և զոր ինչ ինդրեսցես յանուն իմ՝ տաց քեզ .
և եղիցի անուն քո գրեալ յանմահական գիրսն ,
ուր և աշակերտքն իմ եղիցին , և դու յաղագս իմ վը-
կայեսցես , եթէ ես ընդ քեզ եմ : Երիցս սպանանեն
զքեզ և յարուցանեմ . և եղից զքեզ ՚ի ցնծութիւն հե-
թանոսաց , և եղիցիս դու մեծ և անուանի ՚ի ծագաց
մինչ ՚ի ծագս տիեզերաց . և սիրեցի զքեզ որպէս զՂԿ-
րահամ և զՍահակ և զՅակոբ , ուր և իցես դու՝ անդ
և ես ընդ քեզ եմ . երթ ՚ի խաղաղութիւն ընտրեալդ
թագաւորութեանս իմոյ , երթ ՚ի յերկիրդ զոր կոխես ,
և յետոյ անդրէն մտցես յարքայութիւն իմ յանտի-
խաղրելին և յանմահս : Օ այս ասաց Տէրն վերացաւ
յերկինս , և ես յարուցեալ ոչ զոք տեսի :

Ո՛վ ահագին իրացս և սքանչելեացս զոր արար տէրն
ընդ ծառայն իւր Վեորգիէ :

Եւ առ ժամայն եկն առ իս մի ՚ի սերովբէիցն ,

կոչեաց զանուն իմ և սակ . Վեորդիէ , կամիս ուսանել զոր տեսեր . եկի ես յայտնել քեզ զայն :

Չորեսին անիւքն , զոր տեսեր եկեալ յարևելից կողմանէ սոսկալի սերովբէքն իցեն . և որք յարևմտիցն՝ սուրբ քերովբէքն իցեն . և զորս ՚ի հիւսիսց տեսեր փառաւոր վեցթեանքն իցեն . և զորս ՚ի հարաւունկատեալ տեսեր քժ բազմակունքն իցեն . և քժ աթոռքն որ ՚ի վերայ ամպոց էին , քժ առաքեալքն էին Փրկիին , որք հանդերձեալ են դատել զտիեզերս ամենայն : Այլ ոսկեղէն անթիւն զոր տեսեր լցեալ ամենայն անուշահոտութեամբն , հողին սուրբ է . և ամբն որ ունէր բազմութիւն հրեշտակացն , Որդին Աստուծոյ է . և չորեսին սիւնքն հայրապետքն իցեն , և ամբն ահագին որ ՚ի վերայ նոցա՝ Տէրն ինքնին է որ խօսեցաւ ընդ քեզ : Այլ ՚ի խաղաղութիւն սիրեցեալք և ընտրեալք ՚ի Տեառնէ որ լուսաւորեցար առ ՚ի Աստուծոյ :

Ով սքանչելեացս սքանչելիքս , որպէս բարեք խորհրդաբանս Վրխատուի , բրիտոնէից կարմուջ որ ածեալ տանիս ՚ի կեանս անմահ . որ ես օգնական որոց իցեն ՚ի նեղութեան . որ ես արագ ազատիչ մեղաւորաց . որ ես գերերցազատիչ և զերծուցիչ . որ ես ծփելոց նաւահանգիստ . որոց ՚ի բանդ և ՚ի կապանս վաղահաս այցելու , անյուսիցն յոյս , տարակուսելոցն արագահաս օգնական : Այրանելի ես զու , ով մեծ զօրավարդ Վեորդիէ , բան զամենայն սուրբս . երանի որոց տեսին զքեզ , երանի որոց ծանեան զքեզ , երանի որոց խօսակիցք եղեն քեզ : Այրանի քաղաքացն և տեղեացն ընդ որ շրջեցար . երանի և տաճարացն , որ ՚ի սուրբ յոսկերաց բոց հանգչին անդ : Այրանի և քահանայից որ կատարեն զօր մեծի յիշատակի քո . երանի և սրբազան կրօնաւորացն որք սրբութեամբ և անբիծ վարիւք զփրկադործ և զոսկալի պատարագն ՚ի տաճարի բում կատարեն : Այրանի միաբանացն և ժողովրդոցն որ ՚ի սեպհական տաճարն քո սպաւինին : Այրանի այնոցիկ որ զամե-

նայնապանծալի տօնս քո կատարեն պահիւք և աղօ-
թիւք և ողջակիզօք , զի նոցա է արքայութիւն երկնից :
Լըրանի որոց հեղուն ձէթ 'ի տաճար քո , հեղուն վանն
անուանդ քում , զի նոքա ողորմութիւն գտցեն :

Ո՛վ քաջ նահատակ Վեորգիէ , բարոք է քաջու-
թիւնդ քո . որպիսի յառաջակայութիւն տուաւ քեզ
յաշխարհի վանն փրկութեան մարդկան : Որպիսի միջ-
նորդ և բարեխօս առ Մատուած անամաչելի . որպիսի
պատասպարան և պարիսպ ամրութեան յուսացելոցս 'ի
քեզ օգնական և վերածածկոյթ փրկութեան : Ո՛վ
փառաւոր վկայդ Վրիստոսի սուրբդ Վեորգիէ , արա-
գացիր այժմ 'ի միջի մերում և կատարեալ զհայցուածս
զոր խնդրեմք 'ի քէն , և դու հայցեա 'ի Վրիստոսէ
զթողութիւն մեզաց մերոց :



ՍՐԻՈՅՆ ԳԼՈՐԳԵՅ ՕՍՐԵՎԼՐԻՆ

Ե Ի

Ն Մ Ա Ն Ե Ա Ց Ի Ի Ր Ո Ց

Ի ՆԵՐՍԻՍԷ ՏԱՐՓՈՆԻ ԵՊԻՍԿՈՊՈՍԷ



Թագաւորն անմահ յաշխարհքս երևեալ
 Ըջատել զազգքս մարդկան 'ի բանասարկուէն .
 Կերպարաննն հօր առեալ ըզմարդկայինս ,
 Տնօրինաբար մարմնով խաչի համբերելով .
 Օ վայրանգեալ բնութիւն յարութեամբնն նորոգեալ ,
 Գերազոյն վեհագունիցն յաթող նրստոյց :
Թագաւորն փառաց հարեալ ըզպատերազմն
 Ըբար առեալ բաշխեաց պարգևս որդւոց մարդկան .
 Հար կործանեաց զանմարմինն ըզբելիար
 Կըշաւակեաց և ետ կոխան զօրաց իւրոց .
 Խրախոյս ձայնեաց ընդ տիեզերս որդւոց մարդկան ,
 Վաջըս լերուք , իմ զօրականք , ես յաղթեցի :
Յահեղ ձայնէն սուրբ զինաւորքն զօրացան
 Ղափատ առին և ախոյեան չարին յարեան .
Օ մըկըրտութիւնն որ 'ի Վրխատոս՝ զբահ ըզգեցան ,
 Ահհան ամուր ըզյոյսն 'ի Տէր 'ի ձեռս առին ,

- Բզաղաւարտըն փրրկութեան 'ի գլուխ եղին ,
 Եւ ըղբանըն կենաց անդ փայլեցուցին :
- Ըստ զինեալ նոցա 'ի մարտըն դիմեցին ,
 Եւ յաղթութեան արձան 'ի մէջ երկրի դրին :
- Յորոց և մին այսօր մարտեաւ արիասէս
 Օ որ ժողովեալ պատուեմք սիրով ներտաղապէս :
- Օ գեորգէոս բանին կենաց վաստակաւոր ,
 Որ ետ պրտուղ ըստացողին հարիւրաւոր :
- Խորհրդական անուանն եղև արդիւնաւոր ,
 Վորձեաց զերկիրս բանաւոր յոյժ հըմտաւոր :
- Ի մէջ մըտեալ կուսպաշտութեանըն խաւարի
 Ի ուսապայծառ աստեղս ծագեաց 'ի յաշխարհի :
- Յարբայական հանդէս հոովմայ մեծ քաղաքի
 Ի մէջ կացեալ վրկայ անուանըն Վրիստոսի :
- Հիացեալ յոյժ որք տեսին զզինուորն արի
 Սարտեան ընդ նա պէսպէս երկամբքք վրտանդի :
- Երախ 'ի գերումն ըզսուրբն ածին 'ի կախանի ,
 Սարմինըն զուարթ որպէս ըզվարդ կարմիր ներկեալ
- Եղբօրորդոյն եղև նրման շքեղազարդեալ
 Պայծառացեալ սպիտակափայլ և կարմրացեալ .
- Ելմանն Փրրկչին զկողըն տիղին մատուցանէր ,
 Սուրն ամաչեալ յամբիժ յանձնէն յետս ընկրրկէր :
- Վարձեալ 'ի հուր ողջակիղեալ պատարագէր ,
 Ըմաչեցեալն 'ի Բաբելոն աստ շիջանէր :
- Ըստ և վրկայն 'ի վաստակոցն ոչ նահանջէր ,
 Որպէս ըզՏէրըն մեր 'ի խաչ կախեալ լինէր ,
- Վասք հրեշտակաց ակումբ զնովաւ շուրջ պարսիակէր ,
 Չայն 'ի յերկնից ըզնահատակըն քաջ պընդէր ' :
- Ի յանին ասպա ածեալ սուրբըն տանջէր
 Հորովելով սուրբ աղանին վիրաւորէր :
- Ըստ որ զվրկայն ընդ փորձանացըն պրասկէր ,
 Սաղվաղակի 'ի չար վիրացըն բրժըչէր :

1 Միւսն քաջապընդէր :

2 Միւսն հողանկըմն :

Հիացումն մեծ ըզկուսաբաշտուն սբաշարէր .

Ի գուբ կըրոյն արկեալ զվրկայն տաստիկ տանջէր :

Յանկալին 'ի հրեշտակաց ողջագուբէր .

Ընտի ելեալ 'ի հանգիսի տեղին դիմէր :

Սըկայ խաչին Վեորգէոս բարձրր գուէր ,

Ո՛վ յիմարեալք խաւարամնաճք զլոյսըս տեսէք :

Յաղթեալ նորին բընաւորին դէմքն այլայլէր ,

Եւ 'ի գըղջումն այրն ապառու՛մ երբէք չմիտէր .

Ըյլ 'ի յաւարտ զնահատակին հանդէսն ածէր ,

Եւ սրով ըզսուրբ գըլուխ գառիննն հատանէր .

Ընուշահոտ զենմաննն հոտ յերկինս բուբէր ,

Հոտոտելով երկնաւորին կամբքն հաճէր :

Սիջնորդ զանունն նահատակին մեզ պարգևէր ,

Օ՛ր կոչելով 'ի յօգնութիւն աստ առաքէ .

Բարեխօս միշտ տօնողաց ըզսա չնորհէ ,

Եւ աշխարհի պարգևատու տընօրինէ :

Ըստուածութեանն 'ի մէնջ առիթ փառատրութեան ,

Որ զօրացոյց զվրկայն , օրհնելիք միշտ յաւիտեան :



Գ Լ Ո Ր Գ Ե Յ

Բ Ա Չ Մ Ա Չ Ա Ր Չ Ա Ր Չ Ի Ն Ա Ի Ո Ր Ի Ն

— — — — —

Լ ւ ր հ ն ե ա լ է հ ս յ ր ծ ը ն ո ղ Ս ՚ ի ա ծ ն ի ն ,
 Գ ո յ լ ե ա լ Ո Ր ղ ի ն լ յ յ ն ան ք ը ն ն ե լ ի ն :
 Բ ար ե բ ան ն ե ա լ Լ ս տ ու լ ա ծ ս ու ը ր հ ո ղ ի ն
 հ օ Ր փ ա ու ա կ ի յ հ ան գ յ յ ն Ս ՚ ի ա ծ ն ի ն .
 Ո Ր ՚ ի ս տ օ Ր ի ն ա զ ք է հ ո ղ ա ծ ի ն
 Ի ւ ը զ օ Ր ա կ ան ս առ ն է զ է մ չ ար ի ն .
 Ո Ր ք է ս ը զ մ ե ծ վ ը կ յ ա յ ք ան ն չ ե լ ի ն ,
 Օ Գ է ո Ր ք է ո ս ան ու Ն գ ո յ լ ե լ ի ն .
 Օ լ յ յ ս ը ն ս ք ա յ ծ ա ո ՚ ի յ ա շ տ ան ա կ ի ն ,
 Գ է ղ է ց կ ա տ ի ա յ ս ք ա տ կ ե Ր հ ը ա շ ա լ ի ն ,
 Օ ք Ր ի ս տ ո ս ա զ օ Ր ն ա հ ա տ ա կ բ ար ի ն ,
 Օ մ ան ր տ ի Ր ո ս ա յ ս ք ար ծ ան ա յ տ ե ղ ի ն .
 Օ ար ի ի ն ծ ա զ ե ա լ ՚ ի Գ ամ ր ա յ ե Ր կ ը ի ն ,
 Լ ու ս ա ո Ր ի չ հ ո ղ ա յ մ ան ր ղ կ ի ն ,
 Ո Ր վ ը կ յ ե ա յ Լ ս տ ու լ յ յ Բ ան ի ն .
 Բ ար ե խ օ ս ու թ է ա մ ք ս Ր ք յ ն Գ է ո Ր ք ա յ
 Գ ը լ թ ա ՚ ի մ ե ղ ան մ ան հ ի յ ս Ր ք ա յ , ա զ ա չ է մ ք :
 Լ ու Ր Տ է Ր և ո ղ Ր մ ե ա :

Ռաւոն յաղթող հոգւով զօրացեալ
 Վեորդէոս վրկայն սքանչացեալ
 Թագաւորաց առաջի կացեալ,
 Օ սնտոի պաշտօնս նոցա անարգեալ .
 Օ որ չար թունօք բանսարկուին լրցեալ
 Վատիանոս տանջանս պատրաստեալ .
 Օ Վեորդէոս գըլլիս ի վայր կախեալ,
 Օ բոլոր մարմինն քերջօք քերեալ,
 Երկայն բւեռս ՚ի յոտսն հարեալ,
 Լաւ և ըզգլուի սրբբոյն սևեռեալ .
 Եւ ՚ի բանտի ըզնա արգելեալ,
 Ուր Տէր Յիսուս անդէն երևեալ,
 Ի հարուածոցն ըզնա փարատեալ,
 Օ անպատմելի զփառսն խոստացեալ .
 Բարեխօսութեամբ սրբոյն Վեորդայ
 Վըթա ՚ի մեզ անմահից արբայ , աղաչեմք :

Լուր Տէր և ողորմեա :

Լուեալ տարան զվրկայն յատենի
 Թագաւորաց բազմաց առաջի .
 Պընդեալ զմարմինն ՚ի մամուլ փայտի ,
 Սինչ աւանդեաց զհոգին բաղձալի .
 Լաւ հրաշագործ Տէրն ամենայնի
 Վարձեալ յարոյց զվրկայն պանծալի .
 Իսկ մոլորեալքն խաւարեալ ոգի ,
 Լսեն չնորհիւ կըռոցն այս լինի :
 Լաւ բազմագոյն տանջանս սոսկալի
 Ըծեն ըզմարմնով վրկային մեծի .
 Եւ նա մընաց յոյժ անդրդուելի
 Որպէս ըզվէմ ՚ի յալեաց ծովի .
 Վարձեալ կըրկին արկին ՚ի բանտի ,
 Լսն որ փրտեալ սիւնն կանաչի .
 Ուր և սեղան եղեալ բարելի
 Տեառնն հրեշտակք սրբբոյն առաջի .
 Եւ զայն տեսեալ մօրն սասղարի ,

Որ զտղայն ունէր ինն ամ 'ի գաղտնի ,
Ի երեալ ընկէց սրբբոյն առաջի ,
Եւ նա արար ըզնա գընալի .
Յետոյ բերեալ կախարդ մ' առաջի ,
Որ Լճանաս անունն իւր ասի ,
Օ ի չար գործօքըն սատանայի
Կա յաղթեսցէ Վեորգէոսի .
Սուբբըն Վեորգ չնորհօքն Յիսուսի
Վարձոյց զկախարդն Մստուած կենդանի .
Յարոյց բազում մարմին մեռելի ,
Վեորգէոս արար կենդանի :
Ի արեխօսութեամբ սրբոյն Վեորգայ
Վըթա 'ի մեզ անմահից արքայ , աղաչեմք :
Ի ուր Տէր և ողորմեա :
Վաջամարտիկ վրկայն պատուական
Յաղթել հոգւով չարին ստորնական
Յանձին կրրէ զտանջանսն ամենայն ,
Որպէս զոսկի հըրով մաքրական .
Երից անգամ կամաւորական
Կա մահացաւ մարմնով չարչարման ,
Վարձեալ յառնէր հոգւով տիրական
Ի յօրինակ աւուրն յարութեան .
Օ կազմեալ ամթոռն այն արքայական
Կանաչացոյց ըստ ահարոնեան .
Յետ կարծրագոյն և բազում տանջման
Սրով կատարեալ էառ ըզվախձան .
Որք կատարէն զտօնս իւր անխափան
Երազասպէս լինի օգնական .
Որպէս զՎեորգ պատանի տղայն
Վերեալ յազգաց այլասեռական ,
Օ որ ազատեաց սուրբ Վեորգ վրկայն
Յաւուր տօնի իւրոյ կատարման ,
Սասըն ծնողայն իւր երախտական
Օ որ ունէին առ յաղթող վրկայն :

Բարեխօսութեամբ սրբոյն Վեորգայ
Վրթա 'ի մեզ անմահից արքայ , աղաչեմք :

Լուր Տէր և ողորմեա :

Լըրանելի անուն ըղձալից

Վեորգէոս պարծանք վրկայից .

Պայծառ արև 'ի կամարն երկնից

Վեորգէոս հոգի լուսալից .

Վու մարգարիտ 'ի ցօղոյն երկնից

Վեորգէոս լուսատու զարմից .

Սուրբ և մաքուր ընտրեալ 'ի բիւրից

Վեորգէոս բրժիչկ ամենից .

Ընկալինիչ վրշտարար կրրից

Վեորգէոս դիւաց հալածիչ .

Սեծ զինաւոր արքային երկնից ,

Վեորգէոս յաղթող կուսպաշտից .

Եւհատակաց համօրէն սեռից

Վեորգէոս գրլուխ ամենից .

Տօնասիրաց ազգաց համայնից

Վեորգէոս կատարիչ ուխտից .

Ողկոյզ ճըմէալ 'ի յանհաւատից

Վեորգէոս բաժակ բերկրալից .

Ըտեհասհաս վրշտաց վրտանդից

Վեորգէոս պատուեալդ 'ի խրմբից :

Յիշեա Տէր և ողորմեա :

Եւ ևս առաւել զյորդորումն սիրոյ և զգործս բա-
րեաց պարգևել մեզ խնդրեմք :

Տուր մեզ Տէր Ըստուած մեր :

Օ անձինս մեր և զմիմեանս Տեառն Ըստուծոյ ամե-
նակալին յանձն արասցուք :

Վեզ Տեառնդ յանձն եղիցուք :

Լըրումն օրինաց և ծագող շնորհաց

Ըստուածային բարձող յանցանաց ,

Սարգարէից և նահապետաց

Վու կատարումին տեսանողաց ,

Մարտիրոսաց , աւետարանչաց ,
Սարդապետաց և Հայրապետաց ,
Հանդիսադիր սուրբ քարոզողաց ,
Սարտիրոսաց և Ճրգնաւորաց ,
Օջրացուցիչ լեր զօրականաց
Մարքինեաց և նահատակաց ,
Սիգ և վահան դու յաղթանակաց ,
Օջրավարաց տըռոյ պրակաց ,
Մարտիրոսեա առ ծընեալն Մստուած
Օմեզ ազատելի հրոյն տանջանաց ,
Հաղորդ ընդ քոյդ աղերս մնդթանաց
Սուրբն Յովհաննէս կարապետ կենաց ,
Մատակարարն որ զերկինս եբաց ,
Եւ Սուսատուն մեր Հայաստանեայց ,
Պետրոսեոս գերագոյն բազմաց
Մահատակաց և զօրականաց .
Քզմեզ փրկելի յանօրինաց
Եւ ՚ի դիւացըն չար փորձանաց .
Մընջեցելոցըն հանգիստ կենաց
Ողորմութիւն ընդ աջակողմեանց .
Եւ խնդրողի գանձիս որ գրբեաց ,
Մանաակցութիւն ընդ քոյդ սիրողաց :
Ողորմեաց մեզ Տէր Մստուած մեր ըստ մեծի ողորմութեան քում . ստացուք ամենեքեան միաբանութեամբ :
Տէր ողորմեա , Տէր ողորմեա . լուր Տէր և ողորմեա :

Եստուծոյ ընտրեցար դու բարի
 Ե առաւիղ օրհնութեան պտղաւի ,
 Ինչ աշխարհս ամենայն գովելի
 Ասրբ Վեորդ նահատակըդ բարի :
 Ինմարմնոցն վերնոցն վեհի
 Կմանեցար սուրբ Վեորդ հրաշալի ,
 Ղրգնութեամբդ և վարուքդ 'ի մարմնի
 Պրսակեալ արքային համայնի :
 Կենարար մեր Փրկիչն Եիսուսի
 Սրկայեալ սուրբ Վեորդ պանծալի ,
 Ղրգնութեամբդ և վարուքդ 'ի մարմնի
 Եաղթեցեր կռապաշտիցն 'ի մարտի :
 Այլ Վեորդ մեծատուն պատուելի ,
 Զարչարեալ կարծրագոյն 'ի յերկրի .
 Եւ մեռեալ ճըշմարիտ 'ի մարմնի ,
 Եւ կրկին յարուցեալ կենդանի :
 Բարեխօս զքեզ ունիմք աշխարհի
 Օ ի քեզնով վերք ' մարմնոյս ողջասցի .
 Եզնական լեր ամէն հասակի
 Եւ առ քեզ հաւատով դիմողի :
 Են մարդիկք խեղճ ողորմ ու լալի ,
 Աւրկութեամբ պեղծ ցաւօք են 'ի լի ,
 Ի շինէն են ' վարած 'ի հեռի ,
 Աննայեալ խեղճ ողորմ ու լալի :

1 Յօրինակին +էն-վեր+ :

2 Յօրինակին 'ի շին են :

Պատկերօք են դարչեալ աղտեղի ,
Որ մարդկան տեսութեան կարօտի ,
Ղու բրժիշկ ես ճարտար և ձրրի ,
Լսց արա որ շուտով ողջասցի :

Ի խընդրել զգեղ վիրաց և ցաւի
Լնպատճառ պարգևեա փութալի .

Լմենայն ցեղ ազգի որ լինի ,
Սանաւանդ մեր ազգիս Լքամի :

Սուրբ Ղեորդ մեծ վրկայ հրաշալի
Լւ ընծայ հրրձուարար Յիսուսի ,

Ողջախոհ դու նրման տատրակի
Վաջ արծիւ և մաքուր աղաւնի :

Կենդանի սուրբ վրկայ Վրբիտոսի
Լք ՚ի մէջ միշտ և ծունըր կըրկնի

Յերկրայնոցս երկնայինդ հրեշտակի ,
Լնաչառ ւանարծաթ բրժըլկի :

Ուրախ լեր սուրբ Ղեորդ մեծազգի
Լւ ցընծա ընդ մանկանց Սիոնի ,

Խընդացո զմեզ յաւուր քո տօնի
Բուժելով զախտ հոգւոյ և զմարմնի :

Պարգևեա ձիր շնորհաց ամենի
Պարագլուխրդ զօրաց համայնի .

Ղու լեր մեզ ամենոցս հովանի
Օքեզ յուսով յօգնութիւն կոչողի :

Ողորմեա տօնողացս քո տօնի
Պահպանեա ՚ի դիւացըն վըշտաց

Օրացո զմեզ հոգւով ՚ի մարմնի
Փառատրել զհայր Որդւով ընդ հոգի :

Սղալամիտ և տրգէտ երգողի
Վետրարեհնց սուտանուն Յակօբի ,

Սովսեսի այս բանիս խընդրողի ,
Հաւասար ասացէք ողորմի :

ԳՎԱՐԳՆԵՐՆ ԳՆՈՐԱՎԱՐՆ

Խրնդահրաւեր մանկունք Սիոնի ,
 Չեզ աւեախս ձայնիւ բերկրալի .
 Օ արթիւր 'ի փառս Տօրն երկնաւորի
 Լա հակից Արդւոյն միածնի .
 Օ ձեզ նորոգէ Մտուած սուրբ Տօգին ,
 Կազմէ տաճար և տուն Հանգրատի :
 Օ Գէորգէոս յիշեմ զովքլի ,
 Ար աստ 'ի տօնս իւր եկաւորի .
 Օ այն մըրցական վրկայն սրննծալի .
 Բզթագն և զգտակն 'ի մէջ Հանդիսի .
 Բարեխօսութեամբ սրբբոյն Գէորգի
 Բզմերս ընկալցիս պատարագ բանի , աղաչեմք :
 Լուր Տէր և ողորմեա :
 Բըմատ կենաց զարմ 'ի յազատաց
 Գէորգէոս յաղթողն 'ի Գամրաց ,
 Բհեղ զօրեղ 'ի յըմբշամարտաց ,
 Բըիւծաձև 'ի պարբս բազմաց ,
 Հըսկայաձև 'ի մենամարտաց ,
 Բհագնատես 'ի զօրականաց ,

Պէտրդէոս տեսէամբ հրեշտակաց ,
 Լ'նորրդուելի հաւատ գերազանց :
 Կացեալ յատեան անտի իշխանաց
 Պատասխանի առնէր ներհակաց ,
 Լ'նարգելով զպաշտօնն զիւաց
 Եւ քարոզէր զԼ'ստուածն բարձանց ,
 Բարեխօսութեամբ սրբբոյն Պէտրդի
 Բզմերս ընկալցիս պատարագ բանի , աղաչեմք :

Լ ուր Տէր և ողորմեա :

Չար անօրէն իշխանն ուրացեալ
 Կախ ըզգաւառնն հարցաբըննեալ ,
 Լ'պա զանուն սրբբոյն ծանուցեալ ,
 Եւ ըզհաւատ նորա գիտացեալ ,
 Բզիախըստեան պատճառն ինացեալ ,
 Եւ ընդ կրրկին գալն զարմացեալ ,
 Օ ի ըզնոցա ուխտն էր քամահեալ ,
 Եւ 'ի Վրիտտու Լ'ստուած զօրացեալ ,
 Ի տեսարանն պատասխանեալ ,
 Եւ զթէատրոնն զարմացուցեալ .
 Երկնաւորին եմ ես նըւիրեալ ,
 Յանմահական յոյն ապաւինեալ :
 Բարեխօսութեամբ սրբբոյն Պէտրդի
 Բզմերս ընկալցիս պատարագ բանի , աղաչեմք :

Լ ուր Տէր և ողորմեա :

Լ'տենական դատիչք և դահիճք
 Տանձանական չարին բորբոքիչք ,
 Լ'Տ գազանացն բեկացուցիչք ,
 Ս իհ չարագոյն և սոսկացուցիչք ,
 Թագաւորին կամոց կատարիչք ,
 Եւ բարկութեանն զայրացուցիչք .
 Բզչար կապանն ողորմամբ պընդիչք ,
 Եւ պա ըզսուրն փայլեցուցիչք ,
 Օ հնարըս անուոցն դողացուցիչք ,
 Օ տանձանարանորն զանազանիչք .

Ս'անոց փայտից պողոսկապընդի :
Կախեալ քերումըն դառնացուցի :
Բարեխօսութեամբ սրբբոյն Վէորդի
Բզմերս ընկալցիս պատարագ բանի , աղաչեմք :

Ի ուր Տէր և ողորմեա :

Տեսէք զբարի մըշակ նաճատակն
Բզկորովակն արի յաջողակ ,
Լննիրհէլի և անխոտորնակ ,
Բազկատարած յաղօթս ամրափակ ,
Որ անդադար սաղմոսերգութեամբ
Վան ըզքահանայ Տեառնըն պաշտօնակ .

Տէր օգնական է իմ և պարփակ
Իւր հրեշտակօքն որ շուրջ են բանակ ,
Ես ոչ երկեայց 'ի քէն չար մըշակ ,
Որ միշտ ներհակ ես և հակառակ ,
Ինձ յԼ'ստուծոյ լիցի փոխանակ
Վարձատրութիւն և պըսակ :

Բարեխօսութեամբ սրբբոյն Վէորդի
Բզմերս ընկալցիս պատարագ բանի , աղաչեմք :

Ի ուր Տէր և ողորմեա :

Ուրախացաւ յաղթողն 'ի մարտին
Վէորդէոս անուն գովելին ,
Օ ինքըն կընքէր նըշանաւ խաչին ,
Իցօզըն կոչէր զՍրդին միածին .
Ինդէր հեղգայք , ասէր իշխանին ,
Կատարեցէք ըզկամըս չարին .

Օ իս հասուցէք յառագաստ վերին ,
Ուր են վրկայք անարատ գառինն .
Վաճառական եմ այն մարգարտին ,
Օ որ Տէրն ասաց յաւետարանին .
Օարաւեցայ որպէս զեղջերուին
Յըմպել յաղբէւրն յանսպառելին .

Կարօտացայ վերնական լուսին
Ըսնմ որ աթոռ է կենարարին :

Բարեխօսութեամբ սրբայն Վէորգի
Բզմերս ընկալցիս պատարագ բանի , աղաչեմք :

Լուր Տէր և ողորմեա :

Ի իւսմամբ յաղերս առ քեզ պաղատիմք ,

Օ օրեղ զինուոր բարի նահատակ ,

Մեզ օգնական սուրբ Վէորգէոս ,

Հանգիստ յուսոյ խկ և պահպանակ ,

Որ մարմնական վիրաց փոխանակ

Ըռեր զանանց կեանսնն գերունակ .

Փոխան հոսման քո արեան վրտակ

Օ պայծառ հանդերձն զանապական .

Փոխան բանտից և չար կապանաց

Օ երանականն հանգրստարան .

Ով սուրբ Վէորգ զօրեղ զօրական

Վրտ տօնողացս արագ օգնական :

Յիշեա Տէր և ողորմեա :

Լա ևս առաւել զյորդորունն սիրոյ և զգործս բա-
րեաց պարգևել մեզ խնդրեմք :

Տուր մեզ Տէր Ըստուած մեր :

Օ անձինս մեր և զմիմեանս Տեառն Ըստուծոյ ամե-
նակալին յանձն արասցուք :

Վեզ Տեառնդ յանձն եղիցուք :

Բամեալ շաւիղ ծառոյն ցանկալի ,

Պարտուց վրձար նախնւոյն Լալայի ,

Ըմէնօրհնեալ ծնող Յիսուսի ,

Մայր կենսատրւին կոյս երանելի ,

Հրեղէն զօրացն եղեր ցանկալի ,

Սաղայէլեանցն զարհուրելի ,

Վերովբէիցն եղեր սարսելի ,

Սերովբէիցն պատկառելի .

Ըստօր 'ի տօն մեծի զինուորի

Վէորգէի քաջ նահատակի ,

Արցորդութեամբ սորին վրկայի ,

Մատիր յաղերս Որդոյն միածնի

Մզմեղ պահէլ անխորճ յաշխարհի
Խարքայու թեանն առնէլ արժանի :

Ողորմեաց մեղ Տէր Մտուած մեր ըստ մեծի ողորմութեան քում. ասացուք ամենեքեան միաբանութեամբ :

Տէր ողորմեա, Տէր ողորմեա. լուր Տէր և ողորմեա :



Տ Ե Ղ , Գ Լ Ո Ր Գ Ե Ը Յ

Բամեալ ըզկիրրս տանջանաց
Օ երկունս հանուրրդ քո վշտաց
Գէորգէոս յանձին տարաւ
Որպէս ըզվէմ անգիծ գըտաւ :
Օ խաչ քո և զլուծ քո բարձեալ
Ստոր ծանրագոյն վիմաց պարզեալ .
Գամրաց առ Կայսր ուռ տարածեալ
Օ մայրսն ծածկեալ յորթոյն ծաղկեալ .
Քաջ բարունակ հօր քո սրբեալ
Գէորգէոս քեզ մըշակեալ,
Սըրօք յատեալ և կոչկոճեալ,
Բազում վրկայս պրտղաբերեալ :
Լչր և հօգւոյ քո բնակարան
Յայտնեալ գործովքն հրաշագան .
Ի տանջանաց միշտ նորոգէր ,
Օ վերրս բազմաց ապաքինէր :
Գէորգէոս ընդ քեզ յառնէր ,
Եւ ըզմեռեալն յարուցանէր .
Հոգւոյն 'ի փորձ ոչ յաղթելով ,
Սարմուշն 'ի կրից ոչ պատրելով :
Բերեալ զպատկեր քո յարութեան
Որ հաղորդեաց Տէր քո մահուան ,
Գէորգէոս մեծ քո վրկայն ,
Տուր մեզ նովաւ ձիր քաւութեան :

